



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

2995
f. 24

£




George Cornwallis Lewis.


2995

f. 2-14









George Somerville Lewis


Huntington Sept 3.


1822 —




George Cornwallis Lewis.

2995 f. 24







George Formwalt Lewis
Huntington Sept 3.
1822 —

EX
TENTAMINIBUS METRICIS
PUERORUM
IN
SCHOLA REGIA EDINENSI
PROVECTIONUM
ELECTA,
ANNO MDCCCXII.

Hei mihi! quod nostre parvus in ore sonus.
Sed tamen exiguo quodcumque e pectore rivi
Fluxerit, hoc patriæ serviat omne meæ.

PROP. IV. 1. 58.

EDINBURGI:
APUD GUL. BLACKWOOD: LONDINI, APUD J. MURRAY,
ET R. BALDWIN.

1812.



VIRO REVERENDO,
JOSEPHO GOODALL, S. T. P.

COLLEGII REGALIS ETONENSIS

PRÆPOSITO ;

CUJUS SUB AUSPICIIIS,

SUMMO CUM INGENIO ET HUMANITATE

SCHOLAM ETONÆ FLORENTISSIMAM REGENTIS,

VERSUUM LATINORUM DISCIPLINÆ TRADENDÆ

ARTEM HAUSIT,

QUANTUMQUE EJUSMODI EXERCITATIO VALEAT

AD ACUENDOS PUERORUM ANIMOS

PERSPEXIT,

HASCE DE INSITIONE EJUSDEM DOCTRINÆ

IN SEMINARIO NOSTRO

PRIMITIAS,

GRATA ET MEMORI MENTE,

D. D. D.

JACOBUS PILLANS.

AD LECTOREM.

Hæc carmina, qualiacunque sint, a pueris quorum nomina subjiciuntur reverà fuisse scripta, jam pridem compertum habui. Nihil in eis præceptoris est, nisi perpaucæ emendationes verborum et syllabarum, quæ omnino in tali re fieri solent. Scriptorum unus tantum quindecim annos implevit: reliqui fere omnes annum decimum quartum ætatis agunt. Haud amplius septendecim menses effluxere, ex quo elementa versus faciendi primis labris attigerunt. Neque omnibus alumnis hanc exercitationem proposui; ab iis tantum expectavi, qui condiscipulos celeritate ingenii prævertentes, novum aliquod doctrinæ curriculum sibi poscere videbantur.

Non igitur ob hoc in publicum prodeunt, ut cum exquisitoribus in scholis Anglicis versibus confectis

comparentur, ubi pueri a teneris unguibus usque ad decimum septimum annum in his studiis versantur; sed partim, ut experimenti in disciplinâ publicâ exitus cum civibus communicetur, partim ut, quantum in me est, deleatur ista macula, quæ penitus jam insedit atque inveteravit in Scotorum nomine: quod ii, qui, de scientia et philosophiâ optime meruerunt, literis humanioribus minus imbuti sunt, et præsertim in prosodia quotidie titubant.

Nec mihi injucundum erit, hoc extremo et inusitato honoris præmio afficere, atque ita ad majora accendere, pueros ingenuos, qui honestis tantum stimulis exciti, et, 'præter laudem, nullius avari,' se huic studio dediderunt, et, nullâ parte disciplinæ tralaticię neglectâ, hæc insuper, subsecivi temporis opera, elaborârunt.

Mihi quoque persuasum est, non sine oblectatione quâdam hocce opusculum lecturos esse illos, quos vim et naturam animi eo tempore intueri juvat, quo dotes ejus incrementa sumere inceperint; et simul observare, quam sensim in eodem exercitationis genere indies proficiant. Et quo magis ad hos fructus percipiendos via pateat, plurium de eâdem re versiculos subjeci, ætatem cuiusque notavi, et rerum ordinem ita disposui, ut

series continua versuum, ab Idibus Octobris anni præteriti, usque ad Nonas Quintiles vertentis exhibeatur.

Hoc tantum Lectorem monendum velim,—ne mira forte videatur ista similitudo et quasi cognitio inter se exercitationum diversorum puerorum de eodem scribentium,—me, quotiescunque materiam sive thema versuum proposuerim, quosdam locos communes suggestisse, et summa rerum fastigia leviter, et vivâ illâ, ut dicitur, voce attigisse. Hoc tamen, ni fallor, non impedivit quo minùs variis puerorum ingeniis amplum ad se indicanda spatium patuerit.

J. P.

TABULA.

CERTAMEN EQUORUM.—ID. OCT. MDCCCXI.

<i>Gulielmi Menzies, Ætat. 14.</i>	-	Pag. 1
<i>Joannis Campbell, Æt. 14.</i>	-	2

ORPHEUS.—NONIS NOV.

<i>Joannis Campbell,</i>	-	3
<i>Danielis Keyt Sandford, Æt. 14.</i>	-	4
<i>Gulielmi Menzies,</i>	-	4

ARGONAUTÆ.—NONIS DECEMBR.

<i>Joannis Campbell,</i>	-	5
<i>Gulielmi Menzies,</i>	-	6
<i>Ebenexer Pinkerton, Æt. 13.</i>	-	7

ADVENTUS BRUMÆ.—XVI. KAL. DECEMBR.

<i>Gulielmi Menzies,</i>	-	9
<i>Joannis Campbell,</i>	-	10
<i>Danielis K. Sandford,</i>	-	11

MILITIÆ LABOR.—NON. KAL. JANUAR.

<i>Joannis Campbell,</i>	-	12
<i>Ejusdem, Versibus Sapphicis,</i>	-	103

<i>Jacobi Rose, Æt. 15.</i>	-	Pag. 14
<i>Gulielmi Menzies,</i>	-	15
<i>Danielis K. Sandford,</i>	-	17

KALENDÆ JANUARIÆ MDCCCXII.

<i>Gulielmi Menzies,</i>	-	18
<i>Joannis Campbell,</i>	-	19
<i>Ejusdem, Versibus Sapphicus,</i>	-	104
<i>Hunteri Gordon, Æt. 12.</i>	-	21

SPES.—IDIB. JANUAR. MDCCCXII.

<i>Gulielmi Menzies,</i>	-	22
<i>Joannis Campbell,</i>	-	23

MERCATORUM NAVIGATIO.—V. KAL. FEB.

<i>Joannis Campbell,</i>	-	25
<i>Ebenezer Pinkerton,</i>	-	26
<i>Thomæ M'Crie, Æt. 14.</i>	-	28
<i>Archibaldi Connell, Æt. 14.</i>	-	28

ANACREONTIS ODE TERTIA LATINE

REDDITA.—NONIS FEBRUAR.

<i>Joannis Campbell,</i>	-	30
<i>Danielis K. Sandford,</i>	-	31

HELVETIA.—X. KAL. MART.

<i>Joannis Campbell,</i>	-	32
<i>Gulielmi Menzies,</i>	-	34
<i>Thomæ M'Crie,</i>	-	36
<i>Joannis Newton, Æt. 13.</i>	-	37
<i>Hunteri Gordon,</i>	-	39

ROSA.—NONIS MART.

<i>Gulielmi Menzies,</i>	-	-	Pag. 40
<i>Joannis Campbell,</i>	-	-	41
<i>Ejusdem, Versibus Alcaicis,</i>	-	-	109
<i>Ebenezer Pinkerton,</i>	-	-	42
<i>Hunteri Gordon,</i>	-	-	43
<i>Danielis K. Sandford,</i>	-	-	44
<i>Thomæ M'Crie,</i>	-	-	108

CIRCE.—XI. KAL. APRIL.

<i>Joannis Newton,</i>	-	-	45
<i>Jacobi Rose,</i>	-	-	46
<i>Joannis Campbell,</i>	-	-	48
<i>Danielis K. Sandford,</i>	-	-	50
<i>Thomæ M'Crie,</i>	-	-	53

SOL ORBE LUCIDO POST DIEM TUR-
BIDAM OCCIDIT.—KAL. APR.

<i>Joannis Newton,</i>	-	-	113
<i>Thomæ S. Goldie, Æt. 14.</i>	-	-	114

ATHENÆ.—IDIB. APRIL.

<i>Joannis Campbell,</i>	-	-	54
<i>Jacobi Rose,</i>	-	-	105
<i>Archibaldi Connell,</i>	-	-	106
<i>Jacobi Watson, Æt. 14.</i>	-	-	108

VER.—NONIS MAIIS.

<i>Joannis Campbell,</i>	-	-	56
<i>Jacobi Rose,</i>	-	-	58
<i>Thomæ M'Crie,</i>	-	-	61

TEMPESTAS HIBERNA.—IDIB. MAIIS.

<i>Jacobi Welsh, Æt. 12.</i>	-	-	115
------------------------------	---	---	-----

NILUS.—VI. KAL. JUN.

<i>Jacobi Rose,</i>	-	-	62
---------------------	---	---	----

<i>Joannis Campbell,</i>	-	-	65
--------------------------	---	---	----

<i>Gulielmi Cullen, Æt. 14.</i>	-	-	69
---------------------------------	---	---	----

TERRÆ MOTUS.—IDIB. JUN.

<i>Jacobi Rose,</i>	-	-	70
---------------------	---	---	----

<i>Gulielmi Menzies,</i>	-	-	72
--------------------------	---	---	----

<i>Ejusdem, Versibus Alcaicis,</i>	-	-	110
------------------------------------	---	---	-----

<i>Joannis Campbell,</i>	-	-	74
--------------------------	---	---	----

<i>Danielis K. Sandford,</i>	-	-	76
------------------------------	---	---	----

<i>Ejusdem, Versibus Alcaicis,</i>	-	-	111
------------------------------------	---	---	-----

<i>Thomæ M'Crie,</i>	-	-	78
----------------------	---	---	----

<i>Ebenezer Pinkerton,</i>	-	-	79
----------------------------	---	---	----

<i>Ejusdem, Versibus Alcaicis,</i>	-	-	112
------------------------------------	---	---	-----

<i>Archibaldi Connell,</i>	-	-	81
----------------------------	---	---	----

<i>Petri Douglas, Æt. 14.</i>	-	-	82
-------------------------------	---	---	----

LAUDES CALEDONIÆ.—NONIS QUINTIL.

<i>Joannis Campbell,</i>	-	-	84
--------------------------	---	---	----

<i>Gulielmi Menzies,</i>	-	-	90
--------------------------	---	---	----

<i>Ebenezer Pinkerton,</i>	-	-	94
----------------------------	---	---	----

<i>Danielis K. Sandford,</i>	-	-	98
------------------------------	---	---	----

VALEDICTIO.—KAL. SEXTIL.

<i>Joannis Campbell,</i>	-	-	115
--------------------------	---	---	-----

TENTAMINA METRICA.

CERTAMEN EQUORUM.

I.

EXPECTATA dies oritur, lætæque catervæ
Undique conveniunt, nota repletur humus :
Hic tabulatis et domibus pars magna videtur,
Vectaque pars curru spernere vulgus amat.
Proveniunt equites longè certare parati,
Et Viridis, Flavus, Cæruleusque nitent.
Inde ubi tympana rauca sonum dant, finibus omnes,
Haud mora, præcípites prosiluire suis.
Primus abit Flavus, parvo spatioque relicto,
Cæruleus sequitur, corripuntque solum.
Nunc postremus adest, et calcem calce premebat
Incumbens humero :—præteriitque modo :

Ingeminat clamor : Viridis ruit ocior Euro,
 Elapsusque prior limina prima tenet.
 Post subit a tergo, nunc Cæruleumque relinquit
 Flavus ; jamque omnes præmia justa ferunt.

GULIELMUS MENZIES, *Ætat.* 14.

II.

VISURÆ currunt turbæ certamen equorum,
 Agmine jam longo litora nota petunt.
 Corripiunt campum citò currus axe calenti,
 Quadrijugis rapidis turba recedit equis.
 Certatim aurigæ pendent in verbera proni,
 Et manibus laxis frena lupata tenent.
 In certamen equi apparent cursusque parati,
 Intentique omnes ore silente sedent.
 Ascendunt equites substrictaque loraprehendunt,
 Splendore et vario tegmina sole nitent.
 Inde ubi rauca sonum manifestum tympana reddunt,
 Prosiluere omnes finibus absque morâ.
 Optatam cursu tendunt contingere metam :
 Jamque omnes alios præterit unus equus,
 Et nunc alter abit : cuncti superare priorem
 Tendunt connixi, primus at ille manet.
 Tum plausu et vario strepitu sonat omnis arena,
 Et victor lætus præmia digna refert.

JOANNES CAMPBELL, *Ætat.* 14.

ORPHEUS.

———*vocalem temerè insecuta*

Orphea silvæ.

HOR.

I.

ORPHEU, Hæmo viridi qui cantus reddere dulces,
 Fecisti toties consona fila lyræ;
 Te dicam accepto vocali ab Apolline cantu,
 Qui septem nervis es citharâque potens:
 Tu, celebris vates, meliori digne Camenâ,
 Accipe quæ scribo, mente volente, tibi.
 Auritas tecum potuisti ducere quercus,
 Montana et blandâ saxa movere lyrâ.
 Te tigres sævique leones dulce canentem
 Mirati, et fugiens restitit agna lupum;
 Nec meminere amnes altum se volvere in æquor,
 Ponebant Euri, terribilesque Noti.
 Ipse triceps atras demisit Cerberus aures,
 Ac stupuere sonos Tartara mæsta lyræ:
 Intorti Eumenidum recreati crinibus angues,
 Ixionque miser constitit ipse rotâ;
 Sisyphus in montem nec saxum immane revolvit,
 Et Danao natis amphora sicca stetit.
 Quin et Dis sævus, nigri dominator Averni,
 Eurydicen luci reddidit atque viro.

JO. CAMPBELL.

II.

MONTE lyram tetigit resonantem musicus Orpheus

Hæmo, cui semper culmina tecta nive.

Sub pedibus versu victi cubuère leones,

Et prædam sævæ deseruere tigres :

Glandiferæ quercus captantur carmine blando,

Et lætè sequitur frondea silva fides ;

Flumina verterunt cursus hâc voce retenta,

Alveo et in medio limpida sistit aqua.

Attonitus clausitque triformis Cerberus ora,

Orpheaque infernas sivit adire domos ;

Ast Plutoni etiam potuit suadere superbo,

Et redit Eurydice jam repetita viro.

DANIEL KEYT SANDFORD, *Ætat.* 14.

III.

SUAVILOQUAS Orpheus chordas modulatus in alto

Hæmo, cantabat carmina culta lyrâ.

Hic rabidas tigres domuit, sævosque leones,

Et movit dulci concava saxa sono.

Hic celeres ventos, lapsus rapidosque moratus

Rivorum, quercus egit et arte patris.

Uxore Eurydice serpentis dente necatâ,

Ad tenebras Orci mæstus amator abit.

Divinis numeris stupet illic bellua furva,

Aures demittit, nunc et adire sinit.

Obstupuere umbræ, Pluto concedit amatam,
 Si non respiciat: lex ea certa datur.
 Ast is amore amens incautus respicit; illa
 In ventos abiit, nec remanere potest.
 Hoc cecinit mendax vates quòd depulit heros
 Victu a fœdo homines, cœdibus atque feris.

GUL. MENZIES.

ARGONAUTÆ.

Aureaque Æsonio terga petita duci. Ov.

I.

QUÆNAM terra potest primam nescire carinam,
 Semideos reges, Æsoniumque ducem.
 Vela dabant vento, linquebant littus iniquum,
 Et cursum medio jam tenuere mari.
 A lævâ fuerat Vulcania Lemnos et Imbros,
 Fertilis et Lesbos Trojaque dextra fuit.
 Sulcatur pontus lapsâ famosus ab Helle,
 Peliacamque ratem sæva Propontis habet.
 Admoniti Phineo, tutè currentia saxa
 Idaliâ volucris præteriere duce.
 Frigida nunc lustrant Euxini littora ponti,
 Orbis salsa duas cui lavat unda plagas.

Pervenit Æsonides optatam ad Colchidis oram
 Tandem, atque impavidus multa pericla subit.
 Ut videt Æetis, torquetur pectus amore,
 Adjuvat in curis, auxilioque levat.
 Hujus ope, æripedes spirantes naribus ignem
 Tauros compellit subdere colla jugo.
 Herbis exsomnia cantatis illa soporat
 Anguem ; sic victus decedit ense viri.
 Protinus armati saliunt de dentibus anguis,
 Qui mortem intentant, exitiumque duci.
 At jubet in medios mulier jactare lapillum,
 Quod simul ac factum, vir secutur ense virum ;
 Occupat ingentium tunc præmia digna laborum,
 Auro fulgentis nobile vellus ovis,
 Et redit ad patriam sociis comitantibus urbem,
 Nec cantus magici callida Phasis abest.

JO. CAMPBELL.

II.

Quis primamque ratem non nôrit, et aurea terga,
 Atque Argus nautas Æsoniumque ducem ?
 Peliaco Pinus super alto vertice cæsa,
 Divinâ structa est Palladis arte ratis.
 Certatim heroes properant conscendere navem,
 Et spernit patrium picta carina nemus.

Longum post tempus, cum sol confecerat orbem
 Haud semel, et longi præteriere dies ;
 Æquor per tumidum concurrere saxa videntur,
 Atque iterum simili sæpe redire viâ.
 Remigio tandem fessus dux Colchon inivit ;
 Phasidos atque truci pectora versat amor.
 Quis non obstupeat ? tauris spirantibus ignes
 Inviolatus arat Bellipotentis agrum.
 Exsomnem magicâ blanditur ab arte Draconem,
 Torsit et in durum tela cruenta latus.
 Enecat, et rabido dentes dux traxit ab ore,
 Et serit in rigidis semina Martis agris.
 En ! homines veniunt armati e semine sparso,
 Vix latere et tecto Phasidis arte fugit.
 Vellere sic fulvo rapto lætaris, Iason,
 Conscendisque ratem jam rediture domum.

GUL. MENZIES.

III.

IRE per oceanum fallacem fortis Iason,
 Insolitum puppi pergere tentat iter :
 Alcides, Theseus, Telamon, cum Castore Pollux,
 Atque alii multi vellera flava petunt,—
 Heroes ausi magnum ; quis crederet unquam
 Æquoreas hominem carpere posse vias ?

Peliacam pinum ascendunt, et littora linquunt ;

Cogitur affines linquere quisque dolens.

Insolitum monstrum mirari saxa videntur,

Undaque sub magno pondere pressa gemit.

Ægeum tranant, " crebris freta consita terris,"

Et pontum qui Helles funere notus erat.

Euxinum pelagus subiere, et Colchida spectant,

Et tandem in sicco littore membra locant.

Accipit urbanè juvenes Æeta vigentes,

Et lætè externos in sua tecta vocat.

Æsonides audax est captus amore Medææ,

Illa fovet flammas, illicitasque faces.

Herbis adjuvit vigilem sopire draconem,

Compulit et tauros subdere colla jugo.

Armatique homines, serpentis dente creati,

Ante suos oculos, arte juvante, cadunt.

Aurea terga rapit, rursum se credidit Euris,

Et rate victrici littora nota petit.

EBENEZER PINKERTON, *Ætat.* 13.

ADVENTUS BRUMÆ.

I.

JAM nunc maturi cecidere ex arbore fructus,
 Soleque cocta diu spica resecta fuit.
 Decidit et folium, nudus termesque relictus,
 Albicat et gramen molle repentè gelu.
 Oceano nimium properant se tingere soles;
 Majorem noctem Cynthia dia regit;
 Imbribus et densis, et multâ grandine nimbi,
 Culminibus crepitant, flabraque rauca sonant.
 Lanigerumque pecus non jam lætatur in arvis,
 Atqui rura fugit, jam stabulisque manet;
 Ex agris cedunt homines ac tecta requirunt,
 Et terras verrunt flamina sæva poli.
 O felix, cui munda domus; foculumque replere
 Carbone ardente, fusticulisque datur.
 Fortunatior ille, juvant quemcunque libelli,
 Quique legendo potest igne calente frui.
 Ter quater at certè felix qui præbet egeno
 Quæ sibi conguessit, pauperiemque levat.

GUL. MENZIES.

II.

FUGIT nunc æstas, fugerunt tempora læta,
 Fugit et Autumnus, frugiferique dies.
 Amplius haud resonat sinuosâ fistula valle,
 Nec pedibus lætis tundit agrestis humum :
 Amplius haud pastor, " recubans sub tegmine fagi,"
 Silvestri teneras carmine mulcet oves ;
 Nec virides lætis flavescent messibus agri,
 Nec madidis pratis florea sarta nitent.
 Inversum sævus fœdavit Aquarius annum,
 Et cecidit largis æthere nimbus aquis.
 Jamque ruens altis tumidus de montibus amnis
 Volvitur, et signat dira ruina viam ;
 Pronus in arva venit, non clausus finibus ullis,
 Ramos et lapides saxaque rupta trahens.
 Nunc etiam cæli tempestas aspera sævit,
 Devastat terras, æquora magna ruit.
 Oceano rapidus properat se condere Phœbus ;
 Et gelidus Boreas aëra noctis habet.
 Ardua deciduis viduatur frondibus arbor,
 Et montes vestit frigida Bruma nive.
 Effusâ molles vexantur grandine vites,
 Pulsa fero vento pinus acuta cadit.
 Induitur niveo canens velamine tellus,
 Duranturque pigro flumina stricta gelu.

O fortunati! quibus est focus igne relucens,
 Felicesque magis, queis datur igne frui;
 Ter quater est felix sua qui bona gaudet egeno
 Largiri, et miseris lumen adesse viris.
 Divinam ad vitam mihi pervenisse videntur,
 Non sibi qui vivunt, ast homini atque Deo.
 Quam rarò reputant tumidi lautique superbi,
 Qui pravis opibus luxuriâque fluunt;
 Quot rigidæ hoc duro succumbant tempore morti,
 Pauperie oppressi, flebilibusque malis:
 Quot miseri sævo languescant carcere clausi,
 Quot videant dulcis culmina nulla domûs!

JO. CAMPBELL.

III.

PULCHRAM naturæ faciem nunc gratia linquit,
 Et tegitur canâ campus ubique nive.
 Horret, concutiens sub vento brachia nuda
 Arbor, deciduis jam viduata comis.
 Nunc nullæ in sylvis choreæ ducuntur amcenis,
 Nec canit agrestes fistula grata modos;
 Atque viris ipsis torpet jam in corpore sanguis
 Frigidus, et lætum cogit adire focum.
 Felix qui potis est hyemem nunc pellere duram,
 Et largo gaudens igne fovere Lares:

Quem recreant Graiæ pariter Latîæque Camenæ,
 Leniter et Brumæ tædia ferre juvant.
 At ter felices, inopem queis cura levare,
 Delectat miseris quos reserare domum.
 Hi sese ad cælum mihi jam erexisse videntur,
 Terrarumque udum deseruisse solum.

D. K. SANDFORD.

MILITIÆ LABOR.

I.

TEMPORA, Saturno quondam regnante, fuerunt,
 Contentus vixit cùm benè quisque suo.
 Arte faber dirâ cùm nondum duxerat ensem,
 Nec galeæ levis, nec clypei usus erat.
 At nunc atra ciet Mars totum bella per orbem,
 Invisa et passim matribus arma sonant.
 Cingitur assiduo miles duroque labore,
 Quem sonitusque tubæ sævaque castra juvant.
 Sæpe per argentes nivibus vestigia torquet
 Campos, et gelidâ sæpe recumbit humo.
 Nunc ut sopitos deludunt somnia sensus,
 Uxorem, natos, et videt ille domum.
 At fugiunt visus, mediâ cum nocte quietâ,
 Horribili cecinit buccina rauca sono.

Tum salit et manibus lethalia tela prehendit,
 Et precibus justis invocat ante Deos.
 Jam pugnæ acies adversâ fronte lacessunt,
 Clamore et magno turma, caterva, ruit.
 Prima Aurora novo cum spargit lumine terras,
 Ingeminant pugnæ, concitat ira viros.
 Nunc hi, nunc illi, victores esse videntur,
 Multaque ferali corpora cæde cadunt.
 Spes animos dubiâ fortunâ recreat alma,
 Rebus in adversis, spes nova semper adest.
 Strenuus est verè, pugnans pro arisque focusque,
 Quem patriæ causâ non cecidisse piget.
 Non metuit mortem, terrent non ulla pericla,
 Virtute at prodit conscius ipse suâ.
 Si moritur, gaudet speratâ fine laborum,
 Occidit et cunctis flebilis usque bonis.
 Si vincit, magno æternoque triumphat honore,
 Et tectus, grato pectore, civis amat.
 Huic quàm dissimilis durus sine lege tyrannus,
 Injustus patriam qui populumque premit.
 Vota nec exaudit viduæ, nec patre carentis,
 Ferreus at dulci pellit ubique domo.
 Lætitiâ nullam victoriâ civibus affert
 Illius infestâ parta cruenta manu.
 Cum moritur, nemo languentia lumina condit,
 Auram supremam nullus in ore capit.

Impia nec quisquam curat mandare sepulchro
Ossa, sed in triviis non lacrymata jacent.

JO. CAMPBELL.

II.

PRIMUM castra vide, campo metata patente,
Miles ubi fessus membra quiete levat.
Nocte tenebrosâ, vigilis ni gressus euntis
In vallo resonet, Martia castra silent.
Millibus, heu ! iterum occiduum nec cernere solem,
Nec dulci somno membra levare, datur !
Cum primum radiis terrarum Aurora retexit
Orbem ; certantes cornua ad arma vocant.
Undique nunc strepitus regnant : hic arrigit aures
Impatiens sonitûs, frenaque mandit, equus.
Pugnacesque equitum turmæ, peditumque catervæ,
Continuo faciunt arva sonare pede.
Buccina rauca canit : certatimque in prœlia cuncti
Hortantes properant : instituuntque duces.
Frontibus adversis hostilia jam agmina sistunt,
Spiculaque adverso ferrea sole nitent.
Hos animat patriæ pietas ; et magnus amœnæ
Libertatis amor mascula corda ciet.
Illinc pugnatur sub vincula dura tyranni ;
Servitium tardat sævi odiumque ducis.

Martia ferventes accendunt classica pugnas,
 Clamore et magno in proelia quisque ruit.
 Exoritur clamorque virum, clangorque nefandus
 Telorum dirûm sidera celsa ferit.
 Nec longum constat servorum ignobile vulgus,
 At toto campo libera turba fugat.
 Victoris curram capti servantur ut ornent ;
 Miles " Io," magnâ voce, " triumphe" canit.

JACOBUS ROSE, *Ætat.* 15.

III.

EN! resonat celsis in collibus agmine denso
 Ungula bellatum progredientis equi.
 Jam calcant pedites agros et rura, beata
 Hactenus, at fœdâ strage replenda citò.
 Apparent longè nunc millia multa virorum,
 In solis radiis ferrea tela micant.
 Vexillum tenui pictum jâctatur in aurâ,
 Murmure jamque canunt cum reboante tubæ.
 Et cava terrificos sonitus jam tympana reddunt,
 Vocalesque sonos fistula acuta refert.
En! validum válido super agmine confluit agmen :
 Dicere quis poterit posse redire domum ?
 Ingeminant strepitus, incedunt ordine denso,
 Sub ducibus pedites cornipedesque suis.

Hostis conferto succedit in ordine contra,
 In manibus dextris martia tela vibrans.
 Commiscent acies, ensis nunc tunditur ense,
 Vulnere lethali spicula sæva volant.
 Haud aliter torto prægnantes fulmine nimbi,
 Concurrunt tonitru ; sidera cuncta fremunt.
 Fulmina nunc magnâ cum luce per æthera currunt,
 Jamque cadunt imbres, culminibusque crepant.
 Conseruere manum, fluctu majorque potenti
 Auditur clamor, cornipedesque ruunt.
 Hic immota manus configit robore duro,
 Fixa mori, aut firmum semper habere locum.
 Illic mota phalanx ; nec jam loca prisca tenentur,
 Jamdudum effusæ terga dedere fugæ.
 Hinc homines miseri volventes saucia membra,
 Afflicto, clamant, parcite, parce viro.
 Illinc nunc palmam celebrant clangore tubarum
 Festarum, niveis gloria fertur equis.
 En ! hostes fugiunt ; alii cum morte sequuntur
 Certâ ; fit subito sanguinolentus ager.
 Jam bellatores redeuntes, hoste subacto,
 Et reddunt grates, excipiuntque ducem.
 Jamque domum redeunt curent ut vulnera sæva,
 Gratantur salvos, nunc reducesque senes.
 Militiæque labore, fero belloque peractis,
 Sanguineam pugnam et bella valere jubent.

GUL. MENZIES.

IV.

QUID docet heroas belli tolerare labores,
 Cumctaque militiæ tædia ferre juvat?
 Aut, ubi nunc passim metuenda pericula surgunt,
 Sustinet, et vires adjicit usque novas;
 Hic, ubi turbantur stridentibus æquora ventis,
 Navis et infidis fluctibus acta tremit;
 Illic, exspectant ubi strictis ensibus hostes,
 Et mortem tristem, sævaque vincla parant?
 Quid pugnantùm animos ad diri prælia Martis
 Erigit, et trepido corda soluta metu;
 Oppositis acies cùm densæ frontibus adstant,
 Et rabie cæci tela corusca vibrant!
 Spes! Spes cælestis! tu mentes robore firmas,
 Lætas discrimen quidque subire jubes.
 Spes laudis, decoris, prædæ, spes nomen habendi,
 Inclyta quod semper fama sub astra ferat.
 Addit amor patriæ stimulos ad fortia facta,
 Urget amor sobolis, conjugis urget amor.
 Implet nunc vestros animos hic ardor, Iberi!
 Et docet intrepidas mittere tela manus.
 Instate O fortes, hostem depellite sævum,
 Natales virtus nunc tueatur agros!
 Posterius ut a vobis discant perferre labores,
 Patria quum natos dulcis ad arma vocat.

D. K. SANDFORD.

KALENDÆ JANUARIÆ.

Jane biceps! anni tacitè labentis origo.

Ov.

I.

MENSIBUS exactis magnus nunc effugit annus,
 Et nive splendenti mane repletur humus.
 Felices populi nunc concurrere frequentes,
 Per plateas risus lætitiæque sonus.
 Hic nunc accedens, adeunti cuilibet obstat,
 Inquit et, "Hoc anno sit veniente frui,"
 Conjunguntque manus dextras; jam sæpe placentæ
 Libandæ, et vitæ munera dantur aquæ.
 Butyro hic portat solennia liba referta,
 Nec collyra uvis undique plena deest.
 Omnes exultant, facies nec mæsta videtur;
 Junctura et dextræ sæpius acta manûs.
 Quis non lætus erit cum spectat gaudia tanta,
 Cum tantæ turbæ sidera risus adit?
 At sunt qui male facta dolent nunc temporis acti:
 Sic aiunt, donec circiter omnis ovat:
 "O mihi perfectum reddat si Jupiter annum,
 "Et referat quæ jam præteriêre dies!
 "Quantùm exultarem felix ego corde micante,
 "Culpâ cum posset mens caruisse mea.

“ Felices O terque quaterque ! insontia quorum
 “ Pectora vix unquam murmura mæsta dabant,
 “ Innocuumque animum non terret conscius horror ;
 “ Tempore qui possunt lætitiâque frui.
 “ Me vero miserum ! cruciavi pectus amici,
 “ Et rea mens reddit crimina multa mihi.”
 Hic autem est alius cui gaudia vera feruntur :
 Utile præceptum tempora cuncta docent ;
 Cogitat inque animo : “ Pater omnipotentis Olympi,
 “ Antiquos animos usque tenere precor ;
 “ Semper habere voluntatem, et præcordia nostris
 “ Mitia, nec largâ dona deesse manu.”
 Sic nos gaudentes gelidâ cantemus in umbrâ,
 Laudemus læto protinus ore Deum.

GUL. MENZIES.

II.

QUAM properè spatium fugientis labitur anni,
 Excipiturque atrâ nocte serena dies.
 Labitur ut tacitè, tacitè succedit et alter,
 Elapsusque gradum non revocare potest.
 Haud aliter fluvijs, sinuans per rura profunda,
 Tranquillus tacitâ littora mordet aquâ ;
 Et celeres undas magnum devolvit in æquor,
 Quo simul ac ventum, nulla redire potest.

Signa rubens iterum Phœbus duodena peregit,
 Et lætæ terræ jam novus annus adest.
 Jam veniunt festis solennia sacra diebus,
 Lætitiâ et blando cuncta repleta joco.
 Tibia jucundis mulcet concentibus auras,
 Et resonat dulcis cantus ubique lyræ.
 Pars placidas ducunt ad plectra sonora choreas,
 Lætæque festivâ carmina voce canunt :
 Pars agitant festo convivium pingua ludo,
 Et fundunt pronâ dulcia vina manu.
 Sic hujus mortem labentis plurimus anni,
 Illius et partum concelebrare solet.
 At meditans animus diversâ se occupat arte,
 Venturos reputans præteritosque dies :
 Præteritum vultu mærenti respicit annum,
 Tempora quæ frustrâ sumpta fuere gemens,
 Inque animum revocans amissos tristis amicos,
 Dum stillat gratis debita gutta genis.
 Lætior at vultu venturum suspicit annum,
 Tristitiæ durum mente movetur onus ;
 Nam statuit secum meliorem ducere vitam,
 Vitare et fœdum sedulus omne nefas.

JO. CAMPBELL.

III.

PERPETUO currunt æternis orbibus anni,
 Ut fluvius lapsu currit in arva vago.
 Vertice montano, nullo revocabilis ævo,
 Impete præcípites in mare volvit aquas.
 Sic volat et tempus jaculo velocius ullo,
 Lapsum nemo potest heu ! revocare diem.
 Venit festa dies, solennia gaudia rursus,
 Atque novi stimulat mobile vulgus amor.
 Concelebrant annum saltantes cominus omnes,
 Per vicos omnes improba turba fremit.
 Instaurant epulas, lauta et convivium cuncti ;
 Undique luxuries desidiosa valet.
 Ad risum salibus jucundis turba movetur,
 Largiter et vino pocula plena bibunt.
 Non rarò capiunt multorum talia mentes,
 Annum quemque novum dum celebrare juvat.
 Sunt alii tempus quos non juvat hisce vovere,
 Præteritosque dies qui reputare solent ;
 Quot motus cædesque anno evenère supremo,
 Terribili gentes quot cecidère manu.
 Et grato reputant animo sua commoda cuncta
 Anni præteriti, tristitiæque mala.
 Et si jam lapso voluerunt tempore abuti,
 Solertes statuunt et magis esse boni.

Conantur totam meliùs disponere vitam,
Turpeque delectat corrigere omne scelus.

H. GORDON.

SPES.

Spes etiam validâ solatur compede vinctum. TIB.

I.

Est procul, immensum fluctus ubi volvit in æquor
Rhenus, terra capax ; Gallia nomen habet.
Illic immitis sparsusque cruore tyrannus,
Pollenti invadens omnia sceptrâ manu,
Crudeli rapuit dextrâ traxitque togatos,
Quos procul a patriâ fœda catena ligat.
Dirum est captivi fatum, qui compede vinctus
Sævâ, squalenti in carcere tempus agit.
Stramineo recubans lecto, sine tegmine restat :
Immites ventos fœda fenestra capit.
Squalens est laquear quâ nectit aranea telas :
Mucor edit lapides pergelidumque solum.
Inveniunt radii solis vix limina cæca ;
Nec possunt mæstum lætificare virum.
Non illi uxor adest quæ tardum fallere tempus
Curet, et immeritis ingemuisse malis.

Nulli circumstant pueri, linguâque loquaci,
 Enarrant longo plurima facta die.
 Semper abest flammâ solanti lucidus ignis,
 Desunt convictûs dulcia membra sui.
 Crura sonant ferro mordaci pallida morbo,
 Et nutrimentum est parvula crusta cibi.
 "Patfîa, felices!" inquit, "quibus extitit alma,
 "Et possunt patrum qui requiêsse solo.
 "Arma sed injustæ causæ victricia facta,
 "Conjugis a caro corripuère sinu.
 "O Dea Libertas, Divûm te carior alter
 "Arva beatorum non veneranda colit!
 "Auspice te subii casus variosque labores,
 "In te bis quondam terque beatus eram.
 "Sed tu fugisti, dilectaque nulla reperta est
 "Tristitiam poterit quæ relevare meam,
 "Ni, Spes, omne bonum præbens, tu grata manebis,
 "Atque tuum mittes in mea corda jubar."

GUL. MENZIES.

II.

Tu, bona Spes, dicam, mentis tu blanda dolentis
 Altrix, quæ curæ pondera tanta levas.
 Musa canit, quum ætas surrexit ferrea mundo
 Impio, et infandis tot mala nata viris;

Cum sata dissidium, rabies, discordia tetra,
 Fataque tarda prius, corripuere gradum ;
 Ultima caelestium, terras cum Astraea reliquit,
 Solam pollutis te remanere viris.
 Exhilaras nautam, patriâ tellure remotum,
 Qui rapidis audet pandere vela notis :
 Seu secat Ægæum sævis infame procellis,
 Seu legit Euxini littora dira maris :
 Seu morte instanti per concurrentia saxa,
 Ultima seu dubium per freta tentat iter.
 Tu quoque, Spes, constans es militis acris amica,
 Et das tam longas sustinuisse vias.
 Tuque ardore imples certamen inire paratum,
 Horrida cum pugnæ classica signa canunt.
 Corde jubet læto optatum salvere triumphum,
 Et redit insigni tectus honore domum.
 Tu penetras etiam tenebrosi carceris umbras,
 Servitii que gravis ferrea vincla levas.
 Tu miserum polles solari voce salubri,
 Carcere qui sævo tempora tarda trahit.
 Non Phoebea dies illustrant lumina mæstas,
 Nec tristes noctes pallida luna juvat.
 Nulla genas mulcet macras levis aura Favoni,
 Nec calido lætus prænitet igne focus.
 Nulla venusta uxor, spes pignora nulla parentis,
 Consiliûm socius nullus amicus adest.

Sed vel servitiū das vires ferre catenas,
 Almaque non tantis succubuisse malis.
 Ante oculos ponis libertatemque cupitam,
 Charosque agnatos, tectaque grata domūs.
 Tu me instigasti perstare in versibus illis,
 Per te nunc dulcis meta laboris adest.

JO. CAMPBELL.

MERCATORUM NAVIGATIO.

I.

MERCATOR misero lucri stimulatus amore,
 Audet nubiferis pandere vela notis :
 Visitat et cunctæ distantia littora terræ,
 Emensus fragili marmora cuncta rate :
 Et validos æstus, et frigus sentit adurens ;
 Ut sibi congestus surgat acervus opum.
 Sed repetit tandem patriam nataliaque arva,
 Miraturque iterum limina grata laris.
 Quosque suæ fructus terræ Natura negavit
 Distanti gravidâ littore nave refert.
 Nunc iter intendit nascenti quâ India soli
 Panditur ; et dites Gange rigantur agri,
 Quâ gelidum Taurus caput inter nubila condit,
 Vertice quâ præceps Imaus astra ferit.

Hinc fert, delectat quæ nos et recreat herbam,
Barrini et niveum munera dentis ebur.
Hinc quoque Sapphirus fertur viridisque Smaragdus,
Donaque gemmiferi conchea bacca maris.
Mortiferæ Javæ nunc navi imponit aroma,
Vel quod suffimen terra Sabæa parit.
Nunc petit, impavido quæ terra reperta Columbo,
Quà caput æquoreis Delius abdit aquis.
Obtinet hic auri fulgentia pondera fulvi,
Albaque diffisso rapta metalla solo :
Nec reputat gremio damnentur degere terræ
Quot clausi miseros sole calente dies.
Gallia nunc avidum invitat ditissima frugum,
Quà pedibus nudis pingua musta fluunt.
Allicit aut dives Tartessia gramine tellus,
Fundit ubi flavas fertilis arbor opes.

JO. CAMPBELL.

II.

QUOT mercatori debemus commoda vitæ
Percurrit fragili qui freta salsa trabe !
Non rapidos fluctus metuit, ventosque furentes,
Fulmina nec vasto missa corusca polo.
Intrepidus pelagi spectat crudelia monstra,
Nec terret tellus undique tecta feris.

Audet, spe lucri stimulatus, arare tumentem
 Pontum, et velocis pandere vela ratis.
 Inter crudeles audet se credere gentes,
 Et prius ignotos visere sæpe locos.
 Accedit populos utroque sub axe jacentes,
 Externoque refert omnia parta solo.
 Nunc patriæ stannum nostræ convertit in aurum,
 Nunc nitidis gemmis vellera mutat ovis.
 Impiger audaci cursu contendit ad Indos,
 Eque arvis Arabum thura Sabæa refert.
 Præbet jucundos fructus Hispanica tellus
 Fertilis, atque Paros marmora viva parit.
 Tradit ei pinguis generosum Gallia vinum,
 Assyrizæque plagis purpura picta venit.
 Seres quâ eoi ramis sua fila revellunt,
 Quâ faciunt udo signa decora luto ;
 Audax haud metuit festinum impellere cursum,
 Et premit immensam divite merce ratem.
 A Tmolo crocei flores portantur ab illo,
 Fuscaque Erythræo bacca reperta mari.
 Sol quâ purpureus primum se ostendere cœpit,
 Quaque fatigatos abluit æstus equos,
 Vadit, per cunctas faciens commercia gentes,
 Augens et patriæ, divitiasque suas.

E. PINKERTON.

III.

SILVESTRES aliis placeat, cantare labores
 Et lætas segetes, lanigerumque pecus :
 Sit mihi nimborum discrimina dicere ponti,
 Quæque ferunt nautæ, veliferæque rates :
 Quæ patitur quando currit mercator ad Indos,
 Aut lentum pelagus quæ glaciesque valent.
Angustos inter fines commercia quondam
 Compressa, et tenuit littora nauta timens.
 At nunc vela facit, sponsam patriamque relinquit,
 Ut merces mutet quas sua terra gerit.
Pro Cereris dono, lanâque, et veste decorâ,
 Conchas et gemmas portat et omne decus.
Vina, bonum nectar, quæ tellus Bætica gignit,
 Fœtus arboreos, aurea mala petit.
Mercibus invectis peregrè, nunc Scotia jentat,
 Combibit et placidè sacchara mista theâ.

THOMAS M'CRUE, *Ætat.* 15.

IV.

COMMODA mercator nobis quam multa reportat,
 Queis detrectatis languida corda dolent.
Is patriam linquens extremos currit ad Indos,
 Ut patriæ referat quæ sua terra negat.

Imbres effundens Eurus non terret euntem,
 Luctantisve Euro dira procella Noti.
 Pectoris impavidi, scopulosa Ceraunia spectat,
 Tristia nec trepidat monstra videre maris.
 Non terrent syrtes, non Scyllæ saxa triformis,
 Non rabidam eructans sæva Charybdis aquam.
 Non defessa gravi succumbunt membra labori,
 Nec metuit brumæ frigora dura pati.
 Assiduâ curâ graviora pericula vincit,
 Extemploque suam sperat adire domum.
 Terras et cursu visit sub sole propinquo,
 Quâ tellus aret sidere fissa Canis.
 Et campos adiit quâ regnat frigus opacum,
 Quâque gelu segni frigida terra riget.
 Visitat et terras in queis prætiosa fodina
 Visceribus cæcis pondera fulva tenet.
 Hic miserum spectat, solidâ qui compede vinctus,
 Exercet lassâ pensa diurna manu,
 Longiùs a patriâ et caris disjunctus amicis
 Qui vitâ fruitur deteriore nece.
 Et tandem longis multisque laboribus actus,
 Divitiis partis ad sua prata redit.
 Illic speratum reditum gratantur amici,
 Et nati dulces oscula blanda petunt.

ARCHIBALDUS CONNELL, *Ætat.* 14.

ODE TERTIA ANACREONTIS LATINE
REDDITA.

Μισογυνίῳ κατ' ἀρχαίς, κ. τ. λ.

I.

Nox medios quondam torqueret cum humida cursus,
 Jamque sub Arcturi verteret Ursa manum ;
 Suavia tranquilli caperet cum munera somni
 Omne genus domitum membra labore virûm ;
 Tunc Amor adveniens, pulsabat limina tecti,
 “ Quis pultat? rumpes somnia,” dico, “ mihi.”
 “ O aperi,” inquit Amor, “ metuas nil, sum puer infans,
 “ Immadeo, erravi, nocte nigrante, viâ.”
 Hoc dicto, casûs imo de corde misertus,
 Accenso lychno, pando repente fores.
 Et puerum sanè infantem demiror ocellis,
 Cui pharetra, et pennæ, curvus et arcus erat.
 Ante focum posui, palmas manibusque fovebam.
 Ejus, et expressi flumina larga comis.
 Ille autem, ut frigus tandem cessaverat, inquit,
 “ Si quid, tentemus, læditur arcus aquâ.”
 Mox sinuat, mediumque jecur ferit instar asili,
 Protinus exsultat, risus et ora quatit :

Et, "gratare mihi," conclamat amabilis hospes,
 "Illæsum est cornu, corde sed æger eris."

JO. CAMPBELL.

II.

NOCTE super mediâ, fulgent quum sidera cælo,
 Jamque sub Arcturi vertitur Ursa manum;
 Quum domitum haud cessante genus mortale labore,
 Per mollem sternit languida membra torum:
 Ad limen se sistit Amor, dein ostia pulsat;
 "Quis rumpit," dico, "somnia grata mihi?"
 "Ast age, nil metuas," respondet protinus ille,
 "Sum puer, admittas, supplice voce precor.
 "Nam defessus agros illuni nocte pererro,
 "Me sævus miserum ventus et imber agit."
 His precibus motus surgo, properèque lucernam
 Accendo, clausas mox reseroque fores.
 Aligerum puerum tunc cerno arcuque decorum,
 Cui pharetrâ pendent aurea tela levi.
 Ante focum algentem pono, palmasque rigentes
 Nunc foveo, ambrosias nunc bene sicco comas.
 Frigore dimisso, atque reffectis viribus, ille
 Risu consurgens, improbus arma parat.
 "Arcûs quid noceat nervis hic turbidus imber,
 "Illæsi an maneant, experiamur," ait.

Dicit, et extemplo telum mihi mittit acutum,
 Figitur inque alto corde sagitta meo.
 "Lætare," exclamat, "mecum nunc, hospes amice,
 "Integer est arcus, telaque salva mihi!
 "At tu, stulte, gemes infixum pectore vulnus,
 "Sanatur serò quem semel urit Amor."

D. K. SANDFORD.

HELVETIA.

I.

O LIBERTATIS Nutrix, interrita tellus,
 Culmina qua montes intemerata levant;
 Helvetii duri degunt ubi tempora læta,
 Indomitum et patiens, ut sua saxa, genus!
 Aërios montes, fluvios, ingentia saxa,
 Cæruleosque lacus, me celebrare juvet.
 Impiger hic miles, tutans et nascitur ensis,
 Et versat steriles incola fortis agros.
 Flore nitent nullo, glacie torpentia saxa,
 Aura tepens zephyri frigora, nulla levat.
 Pigra sed insistens ver tardum bruma moratur,
 Fulgur et horrendum diraque sævit hiems.
 Atque gelu terram velant latè æquora sævi,
 Nec pereunt victæ sole calente nives.

At tamen hic animus, fato contentus iniquo,
 Delinire plagæ frigora sæva potest.
 Rusticus ingrato quamvis est pauper agello,
 Nec recipit lautas parvula mensa dapes ;
 Non ideo infelix auratis invidet aulis,
 Dedecorant humiles atria nulla casas.
 Impiger, et natus durum tolerare laborem,
 Vel magis ob montes diligit ille solum.
 Mane, brevi somno lætus sua membra resolvit,
 Et gradiens hilaris *carmina nota* canit.
 Retibus aut pisces captat linoque sequaci,
 Aut forti acclivem vomere rumpit humum.
 Aut latebras quærit, nivibus vestigia stringens,
 Cuspide spumantem sternere doctus aprum.
 Nocte, domum repetens, omnique labore peracto,
 Defessus calidum desidet ante focum.
 Haud mora, circumstant ridenti pignora vultu,
 Et fessum exhilarant ore loquace patrem.
 Dum reducem thalami consors gratatur amata,
 Apparat et gnavâ fercula parva manu.
 Sic bona nativi quæ præbent omnia montes,
 Accendunt patrii pectus amore soli :
 Dulcia, conveniunt quæ menti parvula tecta,
 Chari, quos montes aspera radit hiems !
 Et tu, Libertas, dulcis ! gratissima Divûm,
 Fortia tu suavi numine corda reples.

Pro te non metuit mortem, non ulla pericla,
 Carior es vitâ, conjuge, prole, domo !
 Usque tuum sacrum servabit pectore nomen
 Civis, et insigni tollet honore locum,
 Quâ tu Telle audax, tu libertatis origo,
 Servitii durum nescie ferre jugum,
 Ferrea refringens crudelis vincla tyranni,
 Incolumi patriæ libera jura dabas.

JO. CAMPBELL.

II.

HELVETIA, O tellus heroum, pectora quorum
 Nunquam spectârunt hostica tela metu !
 O bellatorum tellus durissima nutrix,
 Ecce propago adstat montibus orta tuis !
 Excelso montes tangunt ut vertice cælum !
 Quâ nive perpetuâ frigida regnat hiems :
 Atque tuæ valles resonant ut murmure grato
 Rivorum ex alto monte fluentis aquæ !
 Cæruleique lacus undas ad littora volvunt,
 Marmora sunt quorum splendidiora vitro.
 Audi, jam tenui fortis modulatur avenâ
 Pastor dulce melos suaviloquente sono :
 Felicesque tegunt colles vallesque capellæ.
 Rursus oves dominis ubera plena ferunt.

Helvetios quondam bellaces Roma tenebat,
 Libera compellens colla subire jugo.
 Ast ubi tempus edax reginam everterat urbem,
 Imperiumque ingens dira ruina fuit :
 Lugebat sævo tellus depressa tyranno.
 Jamque galerus adest, ter veneranda nota !
 Despicit ast unus vir verba minacia fortis ;
 Pertica restabat, nîl reverente viro.
 Hoc verò audito, morti damnavit iniquus,
 In capite aut gnati findere poma procul.
 Horaque nunc aderat ; magnâ comitante catervâ,
 Fatalem metam vir generosus adit.
 Spemque metumque inter dubii vulgusque parensque :
 —Innocuo capiti parce, sagitta, precor—
 Ancipitemque parat timidè jam tendere nervum :
 Et telum patriis evolat e manibus.
 Finditur at pomum ; torvus dixitque tyrannus,
 “ Cur tibi sub zonis ista sagitta latet ? ”
 Heros respondet : “ Carum si fata tulissent
 “ Gnatum, fixissem corda, tyranne, tua.”
 Hæc ubi dicta dedit, traxit clausitque barathro
 Crudelis dominus, fervet et ira viri.
 Effugit e manibus confestim principis acer ;
 Collectâ vincit tela nefanda manu.
 Libertate canente tubam, generosa propago
 Heroum sequitur, nîl remorante viam ;

In totâ donec terrâ non cernitur ulli.

Hostis ; perque plagam Pax Dea sola manet.

Sed tandem sævi gratam rupère quietem

Galli ; Libertas Helvetiâque fugit.

Inficiunt hostes serpentes sanguine rivos ;

Flumina clara olim tincta cruore fluunt.

Nomini at invisio maledicent secla futura,

Factaque tu tandem morte, tyranne, lues.

Quinetiam æternæ corrodent pectora pœnæ :

Nulli unquam populi dent benedicta tibi.

GUL. MENZIES.

III.

HELVETII, vestrâ magis ecquæ terra meretur
Carmen ? quidve canam terrâ jucundiùs istâ,
Quà montes nivei cælestia lumina tangunt,—
Deliciis ruris ; quà quondam sistere gressus
Aurea Libertas voluit ; sub legibus acres
Crescebant pueri, heroumque interrita proles ?
Aspiciens gaudet sylvasque lacusque viator ;
Adstat et attonitus, cataractis unda sonoris
Dum ruit ; et valles exornant prædia vestras.
Signant simplicitasque, nitorque, et sedula cura
Cives. Non tali populo inclementia cæli
Officit. O tempus felix ! quo Tellius audax

Collis excussit vestris juga sæva tyranni,
 Restituens patriæ mores quos gesserat olim.
 Hinc patriæ generosus amor te laudibus, Heros,
 Prosequitur, redditque tuum memorabile nomen :
 Ardor enim vehemens a te, dein mascula virtus
 Exoritur sævis vigor insuperabilis armis.
 Libertas valuit, nec vincla tyrannidis atræ
 Gestantes lethum cupiunt. O Glari decora,
 Heroes pauci vires turmasque tyranni
 Fregerunt * ; minor Helveticis nec gloria venit
 Quam retulit Danaûm soboli Marathoniam clades.
 Sed postquam insidiæ Galli, infamesque catervæ
 Prælia miscuerant, et cives Marte cruento
 Vestros exciderant ; ex illo tempore demum
 Helvetiorum animi, et priscæ languescere leges :
 Dein amor et patriæ sensim, nativæque virtus,
 Ingenuæque artes perire ; et Gallicus ensis
 Ingruit in populum qui quondam gloria mundi.

T. M'CRIE.

IV.

VENTURIS seclis tu, libertatis imago,
 Me juvet heroas concelebrare tuos,
 Et nivibus tectos æternis undique montes,
 Et pulchros fluvios, cæruleosque lacus.

* In prælio apud *Næfells* facto, A. D. 1388.

Sitque colonorum gentem fas dicere fortem,
 Servitii toties qui repulère jugum.
 Qui casulas humiles habitantes pace quietâ,
 Duram vertendo terram habuere cibum.
 At nunc atroci atque immiti corde tyrannus,
 —Qui nunc imperium tendit ubique suum ;
 In quem venturis fundentur ab omnibus ævis
 Diræ—non justâ sub ditione tenet.
 Dux quondam dominatu terram Albertus habebat,
 Præfecto comiti qui sua jura dedit.
 Perticâ at in longâ posuit vilem ille galerum,
 Qui veluti Dominus respiciendus erat.
 Transit vir quidam Gulielmus sæpe, galerum
 Haud venerans ; arcu clarus et arte fuit.
 Damnat eum rector morti, vel findere pomum
 In nati capite ; is mox duo tela parat.
 Pervenit adque locum Vir luce horâque statutâ,
 Rectè et collineans fortiter ille ferit.
 Telum aliud spectans sed zonâ rector in arctâ,
 “ Cur,” ait, “ in zonis altera tela tenes ? ”
 Cui Tell respondit : “ Statuebam, sæve tyranne,
 “ Occiso nato, cor penetrare tuum.”
 Iratus rector ponendum in carcere curat ;
 Effugit at subitò, pervenit adque suos.
 A populo rector mox oppugnatur, et illum
 Devincunt ; ipsum Tell jaculoque necat.

JOANNES NEWTON, *Ætat.* 13.

V.

TELLURIS, quondam quâ non felicior ulla,
 Et virides ripas, cæruleosque lacus,
 Nubiferos montes, et saxa minantia cælo,
 Atque cavas valles, me celebrare juvat.
 Namque ibi libertas olim regnabat in agris,
 Colla jugoque fero libera nuper erant :
 Incola divitias invidit regibus asper
 Nunquam : contentus sorte sed omnis erat.
 Tranquillam vitam concordî pace regebant,
 Nec belli ignaris ferreus ensis erat.
 Rusticus O quoties, longi post acta diei,
 Languida curavit membra labore cibo !
 O quoties ejus luserunt pignora circum,
 Mulsit et ad patrios uxor amata lares !
 Illic turbatus non armis incola lætus :
 Gaudiaque in parvâ tanta fuere casâ !
 O felix nullis concordia rupta querelis,
 Et quodcunque malum culmina magna tegunt.
 Gallorum, tandem victi, cessere tyranno,
 Qui in virides montes agmina densa tulit.
 Is ferro totos est depopulatus agellos,
 Sanguine et irriguas commaculavit aquas.
 Qui potuit populi talis perrumpere leges
 Cogere et insontes subdere colla jugo,

Qui potuit curas tantosque inferre dolores
 Helvetiis, verè ferreus ille fuit.
 Puniet ast illum permagna potentia cæli,
 Et tandem leto crimina multa luet.

HUNTERUS GORDON, *Ætat.* 12.

ROSA.

Τὸ ῥόδον ἀνμαζῇ βασιὺς χερσίν.

I.

DIC mihi Musa modum quo ornatur laude decorâ
 Flos tibi quem musco caulis opertus alit?
 Quî possim dignè faciem celebrare rubentem,
 E calyce exsurgunt quum viridantè cômæ?
 Quî florem plenum, cum se frons explicat almo
 Phœbo, cumque vagas mella morantur apes?
 Sed cur pallescis, cadit et tua gloria terræ?
 Dum loquor, in ventos forma repente fugit.
 Quî te describam? fugisti; et spina relictâ
 Nulla dat amissæ nunc monumenta rosæ.
 Sic hominis decedit honor, viridisque juvenas
 Sæpe cadit veluti in germine carpta rosa.
 Sol oriens juvenem vidit persæpe vigentem,
 Cujus ad occasum corpus inane jacet.

Mortis tempestas homines, ut flamina flores,
 Aufert, et summis fit mora nulla viris.
 Sic, mortale genus, trahimur, properante senectâ,
 In flumen secum cuncta ferentis aquæ.

GUL. MENZIES.

II.

CANDIDA cum rediens nivibus ver arva remulcet,
 Mollibus et zephyris mitior aura venit,
 Tum, Rosa, tu redolens turgentia germina trudis,
 Cauleque muscoso conspicienda sedes.
 Primò flore novo, foliisque recentibus halas,
 Manèque purpureâ fronte superba nites ;
 Decidis at, seras cum vesper duplicat umbras,
 Sola tuoque manet spina relictâ loco.
 Sic perit effulgens mendaci gloria fuco,
 Sic honor, et famæ nomen inane perit.
 Sic pereunt splendor, decus, et terrestria cuncta,
 Sic casa, et ingenti condita mole domus.
 Nec rarò ante decus quam formæ expanditur omne,
 Marces præcipiti tu, rosa, lecta manu.
 Tale juventutis fatum quæ germine carpta,
 Morte immaturâ disperit ante diem.
 At licet et tituli pereant et gloria vitæ,
 Firma manet virtus, vivida, fine carens.

Hæc hiemis sævis obsistit sola procellis,
Solaturque pii tempora summa viri.

JO. CAMPBELL.

III.

O ROSA, quæ pandis jucundos vere nitores,
Atque ornās pulchris culta vireta comis.
Vix monstravisti splendentes sole colores,
Languida cum properè caule virente cadas.
Floribus expansis, Zephyrum perfundis odore,
Et mox demittis marcida triste caput.
Forsitan aut aliquis tenero te caule revellat,
Et terram foliis spargat atroce manu.
Sic, homo, tu marces properè, vitamque relinquis;—
Quam brevis, instabilis, plena dolore dies!
Nam prius augescit quàm florens sæpe juvenus,
Morti immaturæ cedere fata jubent.
Omnia sic volitant mortalis gaudia vitæ,
Nullaque quæsitus signa relinquit honor.
Ast homini, Virtus, remanes tu tempus in omne,
Solaque tu facili ducis ad astra viâ.
Qui tua dicta tenet, timeat nec inhospita saxa,
Æquoris insanas nec resonantis aquas.
Corda potes senii facilè recreare caduci,
Constansque ad summam sola manere diem.

E. PINKERTON.

IV.

O ROSA, gemmantûm florum regina rubescens,
 Quos hortus cultus, pratave picta tenent.
 Idaliæ Veneri, Rosa, quæ gratissima vernas,
 Cujus olent circum florea sarta solo.
 Tempore jam verno tu mollia germina rumpis,
 Floribus et multis pingitur omnis ager ;
 Vomere cùm duro jam terram vertit arator,
 Arbor et umbrosas explicat alta comas.
 Atque æstate novâ viridi florescis in umbrâ,
 Cum torrens æstu Sirius urit humum.
 Quando aret, multoque dehiscit terra calore,
 In tellure jaces jam viduata comis.
 Sic genus humanum est, sic omnia gaudia vitæ,
 Quæ durant horam, protinus atque cadunt.
 Heu ! quoties juvenem tenerum, puerilibus annis
 Florentem, gelidâ mors rapit atra manu !
 Sic flos, qui viridi cùm forte legatur in horto,
 Vere novo florens, perditur ante diem.
 Adde quod imperium est, et vana potentia terris ;
 Virtus æterna in secula sola manet ;
 Ut semper frondes servans Parnassia laurus,
 Omnia quæ brumæ flaminæ ferre potest.

H. GORDON.

V.

Flos Veneri sacer, atque ipsis gratissime divis,
 Purpurei fragrans, O Rosa, veris honor.
 Primum "flore novo foliisque recentibus halas,"
 Passaque mox rubris fulgis amicta comis.
 Dulcem, prata hilarans, latè diffundis odorem,
 Et naturà suum jam Dea jactat opus.
 At quamvis pulchra es, tamen, eheu! quam brevis ævi,
 Gratia quam subito quam penitusque perit.
 Manè viget levibus gratisque resecta pruinis,
 Languens sed primo vespere sicca cadit.
 Haud aliter splendens mendaci gloria fuco,
 Claret, dum remanet; sic quoque vana fugit.
 Haud aliter fragilis damnosa superbia sceptri,
 Et regale decus, per breve tempus adest.
 Haud aliter nomen, laus, et fortuna caduca,
 Omnia sunt certo nescia stare loco.
 Sola manens Virtus, nullo mutabilis ævo,
 Solatur, mortis quum venit atra dies.
 Virtus, post mortem, tendens ad sidera vivit,
 Et fugit extremi tristia fata rogi.

D. K. SANDFORD.

CIRCE.

Circes pocula nosti.

HOR.

I.

Est locus a terrâ procurrens æquor in altum,
 Qui maris insanis rupibus obstat aquis.
 Hic Circe sedem magicam Phosbea tenebat,
 Spectantis quæ oculis omnia grata dedit,
 Allectare homines valuit, diramque per artem
 Diversis formis tum variare viros.
 Populus hic viridis tellurem exornat et ilex,
 Et socios ramos quercus et ulmus habent.
 Culmen et herbosum tollunt ad sidera montes,
 Et magica in solâ gramina aluntur humo.
 In ramis quercûs hinc nutantisque cupressi,
 Nidificant volucres, et philomela canit.
 Amnes cærulei descendunt montibus altis,
 Vividaque in ripis nascitur herba suis.
 Fatalem terram tandem hanc accedit Ulysses,
 Fessaque spumanti littore membra locat.
 At socii cupidi calicem exhaustire micantem,
 Festino gressu mox petière domum.
 Queis Circe cæpit mox dira venena parare,
 Et fundit largâ dulcia vina manu.
 Cùm, tacti virgâ, vix pocula plena bibissent,
 Procubuère solo, jamque fuère sues.

Sic transformati propriam metuere loquelam ;
 Pelluntur ; foedum jamque suile tenet.
 His exauditis, graviter turbatus Ulysses,
 Extemplo repetit mente furente locum.
 Forte sed in sylvis occurrens penniger Hermes
 Advenit, ad clarum sic loquiturque virum :
 " Compulit O ! quid te cæcos huc tendere gressus ?
 " Te tentaverunt dulcia vina deæ."
 Herbam jamque dedit, quæ averteret omne periculum,
 • Haustûs fallacis, pestiferique mali.
 Ad tectum, his actis, gressus mox tendit Ulysses,
 Cui quoque mox Circe pocula dira parat.
 Accepit pateram rex, atque interritus hausit,
 Obstupuit Circe illo usque manente viro.
 Ille suile adiit, socios et reddidit omnes
 In formas proprias, auxiliante Deo.

JO. NEWTON.

II.

" IN nova fert animus mutatas dicere formas
 " Corpora ;" Circeque est concelebranda mihi,
 Quæ pateris diris socios mutavit Ulyssis,
 Inque feras turpes, setigerosque sues.
 Hæc, patriam fugiens scelerata ob fata mariti,
 Circeias oras Italiamque venit.

Sunt in secessu luci palatia magna,
 Vertice quæ summo sidera celsa petunt.
 Hic cœpit cantu veteres mutare figuras,
 Cunctorum quos huc numina læva ferunt.
 Hic animum incautum impellit furibunda voluptas,
 Hic regnat luxus, perniciēsque latet.
 Ipsa sedet Circe lecto pictisque tapetis,
 Inque manu virgam et pocula dira tenet,
 Ambrosias diffusa comas, et vertice odores
 Spirans, adque imos veste fluente pedes.
 Circumstant nymphæ, queis non labor anxius unquam,
 Non unquam lassat pendula tela manus.
 Herbas æst harum cumulare est falcibus æreis,
 Cauleque compresso tetra venena dare.
 Hæc Dea commiscens, et dira in pocula colans,
 Transmutat multos in nova monstra viros.
 Per pontum, excisâ Trojâ, dum cautus Ulysses
 Vertit iter retro ad littora cara sibi;
 Adversis ventis Polyphemi adnavigat oram,
 Et Siculas terras, Æoliumque solum.
 Proxima Circææ raduntur littora terræ,
 Atque tenet curvas anchora jacta rates.
 Cuncti exponuntur; tristesque ad proxima tecta
 Vadunt: excipiunt regia tecta deæ.
 Tum victu revocant vires, et pocula libant;
 Sed dulci in potu toxica dira latent.

Propria forma uni cunctorum restat Ulyssi;
 Molyos illi opibus forma retenta fuit.
 Aggreditur Circen, stringit gladiumque minacem,
 Et renovare jubet pectora juncta fide,
 Tum Circe mirans, et magno abjecta timore,
 Se charos socios reddere nolle negat.
 Impleto, exactis bis senis mensibus, anno
 Ferre parat rursus sæva pericla maris.

JAC. ROSE.

III.

IN mare purpureus collis procurrit Etruscum,
 Cui viret ad summum frondea sylva jugum.
 Aurea poma premunt incurvos pondere ramos,
 Quæ lætam alliciunt carpere dona manum.
 Pampineâ plenis umbrâ tumet uva racemis,
 Et dulci lætam nectare spargit humum.
 Roscida de viridi destillant ilice mella,
 Et nitet Idaliis terra benigna rosis.
 Multaque de prono properantia flumina colle,
 Obliquo cursu mollia prata rigant.
 Nunc tenuis rivus jucundo murmure volvit,
 Herboso vitreas margine cinctus aquas.
 Nunc rapidus torrens per saxa abrupta relabens
 Ingenti sonitu personat omne nemus.

In mediâ sylvâ procera palatia surgunt,
 Cui leves turres sidera celsa petunt,
 Grata domus Circes ; magicas ubi comparat herbas,
 Miscet et insanâ pocula dira manu.
 Pervenit huc Ithacus, paucis comitatus amicis,
 Dum repetit patrii mœnia grata soli :
 Antiphaten fugiens regem, populumque cruentum,
 Tantùm unâ ex totâ classe manente rate.
 Jamque propinquabant ædes et limina celsa,
 Ignarique loci, quantaque fata premant.
 Ut videt adstantes, lætè dea limina pandit,
 Exponitque domûs interioris opes.
 Circumstant cocco lecti argentoque superbi :
 Illa jubet miseros sternere mêmbra viros.
 Aurea resplendent pleno carchesia Baccho,
 Et depressa cibûm pondere mensa gemit.
 Illita sed spumant fatali pocula succo,
 Et dapibus lautis dira venena latent.
 Interea, libantque dapes et vina coronant,
 Atque avidi pravè cæca venena bibunt.
 Haud aliter piscis mendacem currit ad escam,
 Devorat atque cibum perniciemque suam.
 Tunc maga sæva quatit virgas Phœbea potentes,
 Vultuque horrescens aspera dicta dedit :
 “ Estote hinc pecudes, hominis nec restet imago
 “ Erecta, at tantùm mentis inane bonum.”

Protinus hirsuto villo setisque rigescunt,
 Pronaque humum spectant, sordida turba suum.
 Nullaque jam humanæ retinent vestigia formæ,
 Mens miseræ sortis conscia sola manet.
 Verba sed exaudit magica immutatus Ulysses,
 Toxicæ nec possunt atra nocere viro.
 Namque herbam dederat proles Cyllenias, Moly,
 His servaturam corpora tuta dolis.
 Tum validumque cavâ vaginâ deripit ensem,
 Antiqua et sociis reddere membra jubet.
 Illa tremens paret, socii primasque resumunt
 Formas, erecti facti iterumque viri.

JO. CAMPBELL.

IV.

SÆVUM heroem alios torvi Chironis alumnum;
 Majori plectro dicere fortè juvat:
 Nunc Ithacæ regem potius delectat, Ulyssem
 Magnum, me tenui concelebrare lyrâ.
 Qui, cùm consilio perjuræ moenia Trojæ
 Diruerat, vastans regna superba Phrygum,
 Ad patriam rediens tandem, latumque per æquor
 Navæ viam faciens, aspera multa tulit.
 Nam nunc tempestas venti fera murmura tollens
 Conturbat fluctus, concutit atque rates.

Nunc magis et ventis pontoque timenda Voluptas
 Illecebras turpes insidiosa struit.
 Sole satæ Circes tentâsse pericula fertur,
 Verterat illa dolis in nova monstra viros.
 Namque procellâ actus dirâ, multoque labore
 Fessus ad Æææ littora tendit iter :
 Filia regnabat fallax Perseïdos illic,
 Hos adventantes et Dea læta videt.
 Surgit, et exultans regni festinat ad oras,
 Atriaque invitans ducit ad alta viam.
 Ductorem sylvas per amœnas inde sequentes
 Graii, laudabant hospita corda Deæ,
 Altis cùm subitò cælis Cyllenia proles
 Descendit, verbis alloquiturque virum :
 “ Quo nunc, Æolide infelix, malus abstulit error ?
 “ Quisve tibi hoc magicum suasit inire nemus ?
 “ Heu ! cave delicias molles, Circenque dolosam ;
 “ Præcipuè verò pocula dira cave !
 “ Accipe sed gratè herbam, te servare valentem
 “ Miserunt divi quam tibi ; Moly vocant.
 “ Sic, fidens superis, vinces discrimina cuncta,
 “ Atque redux vises patria regna brevi.”
 Hæc ubi dicta dedit, paribus se sustulit alis,
 Cælorum ad sedes æthereasque redit.
 Jamque propinquabant reginæ ad tecta superba,
 Apparet vastâ condita mole domus.

Culmina centenis incumbunt celsa columnis,
 Splendens atque auro regia tota micat.
 Magnificas portas dea jamque maligna recludit,
 Et mox pervadunt limina clara domûs.
 Murice nunc vestes tinctas mirantur Achivi,
 Auratasque trabes, marmoreumque solum.
 "Ergo ubi purpureâ porrectos veste locavit,"
 Suppeditat lautos mensa parata cibos.
 Callida tunc saturis convivis vina ministrat,
 Dum stupeant multo corda sepulta mero.
 Dein subitò surgens dicit fatalia verba,
 Et fiunt porci qui ante fuere viri.
 Sed primam retinens formam tu solus, Ulysses,
 Restituis socios, vi superante Deam.
 Sic eadem virtus Sirenum quæ inclyta voces
 Vicit, nunc Circes vincere verba valet.
 Exemplo discas igitur sapientis Ulysssei !
 Atque Voluptatis pocula tetra cave !
 Tuque Deo fidens superabis cuncta pericla
 Vitæ, et virtutis præmia justa feres !

D. K. SANDFORD.

V.

TERRAM quis nescit quam rumor ad æthera tollit,
 Virgam terribilem, toxica dira magæ?
 Frondosis Circes stant cincta palatia silvis,
 Ante fores errant susque lupusque ferox.
 Fallaci vocis peregrinum decipit arte,
 Concentu et dulci tecta subire jubet.
 Mensaque festivis epulis onerata refulget,
 Vino convivas mista venena juvant.
 Sed vix potârunt fatalia pocula, virgam
 Cum quatit, immundi vir capit ora suis.
 Hoc comites cepit fatum sapientis Ulyseï,
 Dum repetens patriam nauta pererrat aquam.
 Sed fraudem Circes ultor rex ipse fefellit,
 Restituens sociis os faciemque suis.
 Huic florem dederat versutus nomine Moly
 Hermes, quâ Circes dux subit arte domum.
 Pocula cum Æolides fallax ad dira sedebat,
 Conatur virgam tollere saga gravem.
 Reppulit armipotens, stricto gladioque micante
 Edidit horribicos ore minante sonos.
 Inde cadunt sociis setæ, turpisque relinquit
 Forma suis; redeunt brachia prisca viris.

T. M'CRIE.

ATHENÆ.

RURA aliis placeat, virides et gramine campos,
 Pastoresque humili plectro cantare gregesque.
 Quid vetat excelsas urbes et moenia clara,
 Ad majora movens nervos et plectra canora,
 Ne dicam, celebrans terrarum lumen Athenas
 Orbis, et heroum patriam vatunq̃ue feracem ?

Aoniæ divæ, Parnassi sacra colentes,
 Vos patrias rupes dulcesque Aganippidos undas
 Linquentes, operamque levate et adeste faventes,
 Et mihi jam audenti magna adspirate secundæ !
 Moenia vestra cano, dictasq̃ue a Pallade terras.

Aspice quâ tollit rupes * abrupta superbum
 Turribus excelsis culmen, doctæque minantur
 Palladis in cælum domus †, et penetralia sacra
 Mille renidenti de marmore nixa columnis.
 Hinc oculus, circùm spectans et cuncta pererrans,
 Multa videt latè ; Æginæque cacumina celsæ,
 Hospitis et montes etiam Salaminis opacos :
 Tum Pelopis Phrygii telluris littora curva,
 Æquoraque Ægei tam crebris consita terris,

* Acropolis.

† Parthenôn.

Chalcidos avulsasque oras, bimarisque Corinthi
 Antiquas arces. Propius sed magna videtur
 Gloria Graiorum, collesque domusque superbæ
 Fluminaque. Hic viridis collucens surgit Hymettus
 Floribus æstivis, apibus qui maxima cura
 Sollicitis : illic riparum anfractibus errans,
 Labitur Ilissus tortis ; Cephisus et undas
 Leniter arguto trepidantes murmure volvit.
 Illic jucundis oleis Academica sylvæ
 Vernet, et aligeræ modulantur gutture blandum
 Carmen aves tenui :—docto olim grata Platoni
 Sedes, quæ docuit divini Socratis artem,
 Qui Sophiam a cælo terræ deduxit in orbem,
 Monstravitque viam liceat quæ scandere sedes
 Æthereas, Patrisque attingere regna beata.
 Te neque præteream, toties cui docta, Lyceum,
 Porticus excepit sapientem, vincere cuncta
 Qui Pellæ docuit juvenem, nisi semet et iram.

Hic antiquus honor ; fuit hic et splendor Athenis
 Olim ; at nunc vastata vides loca, mœnia nuda,
 Desertasque vias : passim fractæque columnæ,
 Marmoresque trabes, lapides, truncataque signa,
 Strata jacent ; mæstis atque omnia sparsa ruinis.
 Quoque loco quondam Pario de marmore templum,
 Auratæque ædes stabant, et limina celsa,
 Sordida nunc tecta, et constructa mapalia turpi

(Quæ magis apta feris) limo miser incola ponit.
 Et quâ ridebant onerati messibus agri,
 “ Infelix lolium et steriles damnantur avenæ.”
 Fecundis celsâ pro Palladis arbore ramis
 Nunc subiêre vepres : Musis pro flumine caro
 Parvus vix reptat stagnanti rivulus undâ.
 Sæva tenet latè nunc impia sceptrâ Tyrannis
 In miseros cives, heu ! urbis amabilis omnes
 Ante alias quondam ; hæc nudat cultoribus agros,
 Hæc inopes domibus depellit ubique colonos,
 Criminis hæc puris implevit carceris antra,
 Insontique amnes decurrere sanguine fecit.

O utinam exoriens aliquis, Thrasybulus ut alter,
 Nascatûr, duri subvertens regna tyranni,
 Qui patriæ reddat divini jura Solonis,
 Et recidiva manu genetrici mœnia ponat !

JO. CAMPBELL.

VER.

Cum se purpureo vere remittit hyems.

TIB.

I.

EN ! placido cedens veri nunc frigida bruma
 Invito nudos vix pede linquit agros.

Ad patriam revocat, glacie loca stricta perenni,
 Præcipitem Borean flabraque sæva poli.
 Imperio parent venti, montesque relinquunt,
 Stridentes valles, et sine fronde nemus.
 Tum zephyri subeunt, quorum sub flamine blando
 Montibus ex altis nix resoluta fluit.
 Conspicit agrestis redeuntia sidera lætus,
 Et salvere hilari tempora mente jubet.
 Solennes iterùm gaudet renovare labores,
 Et stabulis validos ducit ad arva boves.
 Mugitu incedunt læto, præbentque volentes
 Hirsuta incurvo colla premenda jugo.
 Tum sator occultat Cerealia semina sulcis,
 Accipit et molli terra benigna sinu.
 Esto Deus felix ! faustos hominumque labores
 Redde, neque huic anno spes labefacta cadat :
 Mulceat et segetes orientes aura Favonî,
 Et cadat altricis fertilis imber aquæ.
 Maturo foveat sol almus cuncta calore,
 Vestiat ut flavos tempore messis agros.—
 Nec tantùm agricolam delectat tempus amœnum,
 Naturæ eximium cum nitet ore decus.
 Quæ modò præbebat rapido arbor brachia vento
 Nuda, renascentes explicat alta comas.
 Gramineus tenero revirescit cespite campus,
 Inque novas herbas cuncta tumescit humus.

Et, redimita rosis, zephyri pulcherrima conjux
 Fundit odorato florea sarta sinu.
 Amplius haud gaudent stabulorum tecta tenentes,
 Sed repetunt celeres pascua nota greges.
 Cornibus adversis luctantur gramine tauri,
 Distenta et vitulis ubera vacca gerit:
 Dulcibus et volucres concentibus aëra complent,
 Sub trabibus luteam ponit hirundo larem.
 Sæpe autem nubes tenebris glomerantur opacis
 Cælique ex oculis templa serena ferunt.
 Tum surgunt venti, densisque nigerrimus undis
 Turbidus effusæ defluit imber aquæ,
 Aëra vel liquidum densanti frigore duro,
 Descendunt gelidæ vellera prona nivis:
 Aut teneræ sævâ vexantur grandine messes,
 Herbaque canenti disperit usta gelu.

JO. CAMPBELL.

II.

VER tandem æthereo cælo descende benignum,
 Namque diu nimium frigida regnat hiems!
 Per montes, quæ olim florebant gramina læta,
 Spectamus nitidum, te remorante, gelu.
 Audis? namque vocat Boreas en! flamina dira,
 Arctoamque domum, vere subactus, adit.

Inque loco spirat victrix placidi aura Favoni,
 Secum fertque æstus, Halcyonisque dies.
 Exhaustâ quoque tristis abivit Aquarius urnâ,
 Hesperii pelagi jamque tyrannus abît*.
 Præceps nunc Aries Pesci succedit aquoso,
 Tempora nocturnisque æqua diurna facit.
 Sed tamen aspicimus sub sero vespere brumæ
 Reliquias ; adsunt frigora nocte fera.
 At simul in Taurum se sol ex Ariete volvit,
 Arbor habet frondes ; parturit omnis ager.
 Nec gelidis nunc arva videmus adusta pruinis ;
 Flumina sed currunt non remorata gelu.
 Ast Helenæ frater, rutulis quum surgit ab undis,
 Purpuream viridi cespite vestit humum.
 Taurum colla iugo submittit gnavus arator,
 Infundit sulcos, sollicitatque solum.
 Jamque recente sator festinat condere sulco
 Semina, quæ multo fœnore reddat ager.
 Deinde occa insequitur, glebas quæ frangat inertes,
 Inque soli gremio semina jacta tegat.
 Sat terræ patriæque datum ; sis tu, Deus, almus !
 Fecundi rores ! fertilis aura veni !
 Nec non adsitis pluviæ zephyrique benigni !
 Luminis auctor ades ! temperiemque dato !—

* ————— tyrannus

Hesperiae Capricornus undæ.

HOR. Carm. ii. 17. 20.

Agri pubescunt variorum flore colorum,
 Et tenues cytisi nigraque myrtus olet ;
 Hic calthæ lucent, atque hic violaria frondent,
 Rustica quæ nullo terra serente gerit.
 Frondosa hic resonant avibus virgulta canoris ;
 In ramo volucris tecta laremque facit.
 Hic turdus carmen modulatur vespere æro,
 Hic merulæ mollis nœnia dulce sonat.
 Nunc pecudes, præter solitum dulcedine lætæ,
 Linquentes stabulum pascua grata petunt.
 Jamque feræ pectus studio exardescit amoris,
 Per totum corpus mobilis errat amor.
 Nunc dux armenti mugitibus æra complet,
 Oppositumque ferox fronte minace petit.
 En ! ibi subsiliunt, mollique in gramine ludunt,
 Agnorum legio, præda petita lupis.
 Agmen certatim percurrit rura beata,
 Nunc imam vallem, nunc juga summa petens.
 Cernimus haud aliter frondes volitare caducas,
 Asper quas ventus vulsit odore rosæ.
 Est quasi ver roseum florentia tempora vitæ,
 Quod si neglectum semina nulla dabit.

JAC. ROSE.

III.

O VER jucundum ! dic, quâ ratione moraris,
 Cur sic deludis spes vanas fortis agrestis,
 Qui terram frustrâ duram dum vertit aratro,
 Posse putat citò telluri se credere semen ?
 Vixdum etiam, veris prænuncia, Daulias ales
 Visa fuit solitas circumvolitare paludes,
 Æthere vel puro varios effingere lusus.

Illâ dies nobis tandem expectata revisit,
 Verque diu populi precibus geniale vocatum
 Instat ; solliciti jam vota audita coloni.
 Nunc Boreas reticet, nec labens montibus amnis
 Sternit agros, verrens hominumque boumque labores.
 Ætherei subeunt zephyri, atque in montibus humor
 Solvitur egelidus, qui nunc florentia tollunt
 Culmina. Pastor oves agit atrâ lætus in umbrâ
 Sedulò. Agricolaë gaudent, pueri atque puellæ,
 Carpere certatim flores. Tunc omnia rident
 Rura. Nemus, colles, valles, et prata virescunt.
 Arbor amœna comis extendens brachia latè,
 Arbustum teneros vix audens tollere ramos,
 Orni sublimes, et amictæ vitibus ulmi,
 Germinibus turgent, lucent aut flore decoro.
 Tum volucres pavidæ modulantur carmina voce,

- Perque diem multam errantes gratèque canentes,
 • In ramis sylvæ patulis se millia condunt.
 Protinus effossam convertit vomere taurus
 Tellurem, durisque ligonibus excolit arva.
 Rusticus, et cantu mollit fallitque laborem :
 Tunc sulcis credit Cerealia semina longis.
 Interea sequitur rastrum, finemque labori
 Imponit. Riguus cælo nunc decingat imber,
 Et celebret passim magnum natura Parentem !

T. M'CRIE.

NILUS.

*Nile pater, quânam possum te dicere causâ,
 Aut quibus in terris, occuluisse caput ?*

TIB.

I.

NILE pater salve, salve, septemflue Nile,
 Commoda dum tenui plectro tua dicere tento,
 Aspira cœptis ; tuque, O Saturnie rector
 Spumantis pelagi, vos Naiadesque decoræ,
 Omnes adsitis, canto nunc munera vestra.

Quà surgat, vel terris in quibus occultat alnum
 Seditumque diu caput, haud reperire valentes

Antiquæ gentes, decus hoc liquère Britannis,
 Liquerunt penitus divisis orbe Britannis !
 Ultima qui Libyæ deserta et inhospita saxa
 Lustrantes, tandem sub Lunæ montibus altis
 Spectârunt fontem ; viridi quoque cespite cinctum,
 In Terrâ, veteres uri quam sole putabant,
 Privatam domibus ; verùm hic septemfluus amnis
 Surgit, et irriguis percurrit gramina rivis.
 Temporibus certis, undis pluvialibus auctus,
 Contractus ripas, celsâ de rupe profundum
 Decidit in barathrum torrens ; tunc omnia circum
 Albescunt spumâ, fragor ingens æthera complet
 Longè, tartareis sonitusque auditur Avernis.

Horrificum memorant factum, mirabile dictu,
 Incola quod gessit mirante suo hospite : Lembum
 Scandit : jactatusque diu spumantibus undis,
 Sponte remittit brachia ; prono illum alveus amni
 Præcipitem rapit in cataractam ; territus altè
 Hæret spectator, donec procul amne secundo
 Incolumem cernit forti cum remige lembum.

Hinc labens flumen concessam munere divûm
 Ingreditur zonam, Ægyptumque ad tecta Syenes.
 Apparent Thebæ : urbs centum fuit inclyta portis,
 Dum portas habuit, sed diruit omnia tempus :
 Urbis Thebarum vix fragmina pauca supersunt.

Per totam Ægyptum decurrens murmure lento,
Impellit tandem septeno gurgite pontum.

Ingenii hac terrâ humani sunt maxima signa.
Hic summo cælum serientia culmina cono
Pyramidûm spectamus, inania pondera ; regum
Injustâm tumulos, quorum nec nomina restant.

Harum Sextili si ascendas culmina mense,
Nusquam cernis agros, quia tunc tegit omnia pontus.
Nam tu, Nile, tumes, jamque ingens agmen aquarum
Decurrit campos per apertos : oppida tantùm
Apparent quasi montes ; sylvæ aut culmina summæ,
Ceu stagnum, densisve palus obsessa salictis.
Ruricolæ capti majori lætitiâ omnes,
Quo minùs agrorum sulcos tumida æquora linquant.
Unda autem fluvii, si non satis obruit arva,
Est metuenda fames : etiam huic industria gentis
Consuluit. Namque hoc metuens felice labore
Effodère lacum, cohibet qui fluminis undas.
Deficiente amne, hinc agris immittitur humor.

Urbs antiqua fuit, (Graii tenuere coloni)
Maxima Alexandria, ubi quondam morte cruentâ
Interiit Pompeius, cui est extructa columna
Haud procul a muris, quæ vertice sidera tangit.
Hanc urbem contra, Gallorum bellica classis,

Quæ major numero, inferior sed corde Britannis,
 Confixit noctu. Tormenta tonantia rauco
 Intonuere sono, tellusque fretumque sonârunt ;
 Cùm subitò in cælum magno raucoque fragore
 Gallorum navis rupta est, ardensque ruina
 Sidera celsa petit ; paulisper et otia pugnae
 Horrida succedunt : tum mæsta silentia primùm
 Ruperunt Galli : de integro prælia miscent
 Per totam noctem. Assurgit cum Phœbus ab undis,
 Gallica sub pedibus vexilla Britannia calcat.

JAC. ROSE.

II.

MAXIME Nile pater, septem gurgite volvens
 In vada turbatas Pelusia fertilis undas,
 Mi liceat tenui celebrem tua munera plectro,
 Condecoremque tuo non nobile nomen honore.

Te dicam cælo natum, longumque fluentem
 Per terras primâ celebres ab origine mundi,
 Qui totam Ægyptum ditas stagnantibus undis,
 Induis et lætis limosos messibus agros.

Musa mihi memora, quâ flumina vi alta tumescant
 Et superent ripas, latèque natantia rura
 Subjiciant fluvio, " rursusque in seipsa residant,"

Arvaeque fecundo limo contexta relinquunt.
 En ! spatiis anni redeunti tempore certo,
 Ipse Deus, patriis assidens montibus altis,
 Sublimi gravidas diffundit vertice nubes.
 His effusarum magnum ruit agmen aquarum,
 Quas lacubus recipit divus, vastisque latebris
 Speluncâque cavâ claudit : cistisque repletis,
 Obicibus motis, fluviis urgentibus ingens
 Pandit iter. Subitò erumpens cum murmure vasto,
 Torrentes impellit aquas per spumæ saxa
 Et scopulos duros violento tramite flumen.

Rupibus abruptis locus est conceptus utrimque,
 Quà via præcipiti fluvio contracta patescit,
 Assiduis undis usu longoque cavata.
 Finit acuta silex, præcisis undique saxis,
 Hoc immane jugum, camporumque æquora plana
 Infra pressa jacent longè. Huc ut pervenit Amnis,
 Horret ; at instantum tergo vi pulsus aquarum
 Volvitur in præceps, fervensque fremensque videtur
 Spumarum cumulis celsas aspergere nubes.
 It fragor ad cælum, stupefactaque littora complet
 Immenso sonitu ; reboat vicinia tota,
 Pulsatique vago montes plangore resultant.
 Surdi homines fiunt, sonitum nec prendere tantum
 Auribus humanis datur, at stupuère silentes *.

* Vid. Cic. Somn. Scip. c. 5.

Ardua tum linquit, latè camposque jacentes,
 Solis et arentes siccis fervoribus agros,
 Riparum impatiens, injectis fluctibus undat.
 Omnia fugerunt oculis, vestigia nulla
 Terrarum remanent, nisi quæ sua culmina summi
 Attollunt montes, erectave tecta domorum,
 Arboris aut vertex apparet in æquore vasto.
 Incipit at rursus paulatim sidere flumen,
 Fontibus exhaustis, arva oblimata relinquens.
 Cuncta renascuntur, renovatis viribus aucta ;
 Sponte suâ tellus, vix ullo versa labore,
 Fert segetes, ultro revirescunt gramine prata.

Nec quæcunque ferunt ripæ miranda silebo,
 Nilæ pater grandis ; doctæ nunc musa Papyri
 Deposcit laudes ; homines quæ prima feroces
 Libris instituit venturis tradere seclis
 Quæ novère ipsi ; studium sacrumque Sororum
 Serorum æterno decoravit honore nepotum.

Aspice nunc cælum ferienta culmina summo
 Vertice Pyramidûm, magni miracula mundi ;
 Nobile regis opus, cohibensque cadavera regum,
 Nomina nequicquam mensura superbia quorum
 Demens conata est proferre in secla futura.

Tum columen celsum desertâ surgit arenâ,
 Pompeii falsò dictum tegere ossa superbi,

Quæ Pelusiæ oris inhumata jacebant :
Est humanarum tanta inconstantia rerum :

Nile vale tandem, nunc te magnum accipit æquor ;
Perfectumque iter est ; tamen ultima carmina plectri
Laus petit ingenui patriæ præclara Britanni.

Classibus hîc nostris præfectus et inclytus heros,
Præstantes numero Gallos certamine claro
Devicit, rediens superato victor ab hoste.
Dic mihi, Musa favens, possim quî carmine digno
Concelebrare viri laudes, cui nomen ad ipsum,
Attonitis hostes animis pallere solebant.—
Gallica jam classis tutâ secunda quiete
Littora stringebat : terrâ, sine lege tyrannus
Cædebat natos, vastabat et arva Canopi ;
Puppibus in celsis cùm signa Britannica longè
Apparent, celerique abradunt æquora motu.
Ultor adest vindex, gaude Mareotica tellus !
Nile pater gaude ! jam vincula vestra fuerunt,
Imperiumque tuum cecidit nunc, Galle superbe !
En, properante caput sole undis condere primum,
Prælia commiscunt totis cum viribus ambo,
Et liquidum magnis clamoribus æra complent.
Nec tormenta necis cessant lethalia ferro
Horrifico vibrare sono ; micat ignibus unda ;
Crebris cuncta tenant late discordibus armis.

Jamque polos nigro nox atra involvit amictu,
 Addit et horrorem pagnæ caligine cæcâ ;
 Quum subitò tenebris mediâque videtur in undâ,
 Inter tigna Ducis regnans Vulcania pestis
 Galli : confestim magno se sustulit altè
 Quassa fragore ratis ; paulisper corda pavore
 Strati, per naves tenuère silentia cuncti.
 Pallida sed croceum linquens Aurora cubile,
 Primaque conspergens redivivo lumine terras,
 Ostendit victos Gallos navesque sequentes
 Imperium nostrum : superas tolluntur in auras
 Clamoresque virum repetiti et murmura læta.

JO. CAMPBELL.

III.

SERTENO impellens tumefactum gurgite pontum,
 Nile, utinam fluctus des celebrare tuos.
 Quis nescit pulchrasque urbes monumentaque celsa.
 Ad ripas bibulas structa labore gravi ?
 Lætificas tostos dulci tu flumine campos,
 Dum lentè luteas in mare volvis aquas.
 Difficilis visu per tempora longa latebas,
 Et cæcis tenebris fons tibi tectus erat.
 Diffundis fluvios campis per tempora certa,
 Atque humor lætus prœvus in arva venit.

Sollicitat remis campos ubi nuper ararat
 Pastor, et aspectat sub pede sæpe domum.
 Nec requies donec per campos flumina mittens
 Limo fecundes arva parata diu.
 Hinc sata læta virent, crescunt herbæque salubres,
 Ex queis una subest concelebranda lyrâ.
 Antiquos herbam fertur dixisse papyrum
 Quæ juxta littus tollit, amœna, caput.
 Illa homines animi dotes adhibere docebat,
 Cultûsque ignaris mox patefecit iter.
 Pyramidûm moles notæ sunt omnibus altæ
 Quâ palmæ nostræ fama perennis erit.
 Romani terram dixerunt horrea mundi ;
 At nunc paupertas civis in ore subest.
 O utinam assurgat vindex alterque Sesostriis,
 Qui ponat leges juraque sancta viris !

GULIELMUS CULLEN, *Ætat.* 14.

TERRÆ MOTUS.

—————*Tremuere cacumina Pindi.*

PROP.

I.

Hæu ! quianam tantæ cinxerunt æthera nubes
 Sulphurei fumi ? cur non jam decidit imber

In siccam terram? cur cessavere perennes
 Largiflui fontes, totiesve arsero cadentes
 Stellæ, solque rubro velamine contegit orbem?
 Nescio quem dirum terræ portenta tumultum
 Funesta hæc monstrant. Audin'! percussa fragore
 Dat terra insolitum: pecudes fugère, volucres
 Vitantes pavidæ condunt se vallibus imis.
 Territus et pontus, solito delapsus ab alveo,
 Pinniferos pisces in nudâ linquit arenâ.
 Percussus subiit iterum, dein terra dehiscit:
 Quassantes nutant montes, ceu navis in altum
 Turbine pulsa fero, quæ nunc spumantibus undis
 Jactatur, tandem submerso in murice fracta
 Cedit, divulsam rapidus vorat æquore vortex.
 Haud aliter montes, vulsi ab radicibus imis,
 Culmina disjiciunt volvuntque in valle profundâ.
 Quacunque aspicias, nil est nisi dira ruina.
 Hinc labor annorum obruitur, palatia regum,
 Tempia superba Deum, monumentaque celsa virorum,
 Procumbunt sonitu: hinc, contrâ, magalia parva
 In terram sidunt, zephyro ceu gleba resolvens.

Sunt parvi hi casus; nam sæpius oppida tota
 Condit hiatu tellus, momentoque fugaci
 Urbes atque homines utero clauduntur avaro.
 Audeat unde ergo misero sperare salutem
 Lapsuque horrendo mortalis? Montibus? illi
 Sunt campo æquati; Campis? ibi terra dehiscit

Absorbere parata ; etiam ponti unda profundi,
 Concita ceu ventis, veteri jam sede cietur.
 Hæc igitur terris quasi lux postrema videtur :
 At solium Divi, nullo quassante tumultu,
 Stat, stetit, immotum per secla perennia stabit.

JAC. ROSE.

II.

DIRA fuit species, dextrâ surgente gigantis,
 Cum terræ motus concutit omne jugum.
 Fundamenta tremunt telluris ; ab æthere toto
 Denset, et in nubem cogitur axis aquæ ;
 Æquora cesserunt retrò ; tremuère carinæ ;
 Seque ostenderunt littora nuda maris.
 At tandem fluctus erecti littora complent
 Tota, undâ ingenti vi meditante necem.
 Ex altoquæ loco sidens et littora linquens,
 Mons maris atra ruens tendit ad arva viam :
 Jamque tegit portus ; minitanti vertice muros
 Scandit, et insanis omnia replet aquis *.

* " The destruction of Callao was the most perfect and terrible that can be conceived ; no more than one of all the inhabitants escaping, and he by a providence the most singular and extraordinary imaginable. This man was on the fort that overlooked the harbour, going to strike the flag, when he perceived the sea to retire to a considerable distance ; and then

O Deus aucto ! saltem tot millibus unum
 Eripe, qui, quamvis dira, referre queat.
 At rapidum rapido super agmine corrui agmen
 A lætis arvis cuncta trahentis aquæ ;
 Obruiturque urbs ; et domuum vestigia nulla
 Restant, lætantur numina cæde maris.
 Sed procul a terrâ nunc parvula cymba videtur.
 Solum evasurum quæ capit alma virum.—
 Excidio haud simili sed deteriore peristi,
 Cum cecidere sedes, vasta Caracca, tuæ ;
 Cùmque soror fratrem fleuit, fraterque sororem,
 Uxoresque viri, femina fida virum ;
 Dum sol inclemens torret sine tegmine civem,
 Vel gravis immiti decidit imber aquâ.
 Dic mihi Melpomene, quâ causâ numine læso,
 Hæc venêre ægris tam fera monstra viris.
 An peccata hominum tam immania signa vocârunt,
 Vis ubi flagranti sævit ab axe Dei ?

swelling mountain high, it returned with great violence. The inhabitants ran from their houses in the utmost terror and confusion ; he heard a cry of *miserere* rise from all parts of the city, and immediately all was silent ; the sea had entirely overwhelmed this city, and buried it for ever in its bosom ; but the same wave which destroyed the city, drove a little boat by the place where the man stood, into which he threw himself and was saved."—*Vid. Burke's European Settlements*, vol. I. p. 263.

Nam certè tellus ultro non gignere possit
 Monstra hæc, secretâ nec paret arte necem.
 Sidereâ Dominus qui regnat in ætheris æde
 Non dedit hæc cæcis noscere monstra viris.

GUL. MENZIES.

III.

"**H**EU ! quianam tanti cinxerunt æthera nimbi,"
 Quæve viris cælum variabile dira minatur ?
 Sæpe malus tristi desidens arbore corvus,
 Ter crepuit lævas infausto gutture voces.
 Sæpe canis cecinit, miseris latratibus, ingens
 Impendere malum : et cælo funesta sinistro
 Signa videbantur, quæ tristia fata monerent.
 Quid sibi tanta velint incertaque numina divûm
 Ignorant homines, perculsi at corda pavore
 Expectant mortem, summum extremumque dolorum.

Tum faciem cæli nigrantia nubila condunt
 Aëriis tenebris, claram lucemque diei
 Ex oculis removent ; nec sol e nubibus atris
 Nunc valet orbatum radiis ostendere vultum.
 At mox : ardenti accenduntur ab igne tenebræ,
 Quâ Pa. ter infestâ vibrat flagrantia tela
 Dextrâ, percurrunt rapido quæ lumine nimbos.
 Intremuè re poli, reboantque tonitrua rauca
 Immenso sonitu cæli terræque frementis.

Aufugère feræ passim, trepidoque volucres,
 Nunc hinc, nunc illinc, radentes aëra motu,
 Effugium tentant vano properare volatu.
 Confestim raucus fragor est auditus ab imo
 Telluris gremio, movet illætabile murmur
 Per gentes humiles mortalia corda pavore.
 Haud mora, continuo latè perterrita tellus
 Intremittit, et montes sublimi vertice summi
 Nutant evulsi penitus radicibus imis.
 Æquora tum lacubus magnis, totumque videres
 Misceri pontum, vastisque dehiscere rimis.
 Littoris impatiens, altè freta concita motus,
 Nunc submergit agros urbesque tumentibus undis,
 Destituitque novas medio nunc gurgite terras.
 Hinc miseros cives premit urbs turrata ruinâ,
 Devorat hinc proprios natos perterrita tellus,
 Obruit atque alios trepidis sub fluctibus æquor.
 Hic puerum luget, charum vocat ille parentem,
 Et resonare docet vanis plangoribus auras.
 Hic miserâ uxore, hæc erepto conjuge sævit :
 Tempore nec longo sævit, nam terra dehiscens
 Immiti pariter gremio mox accipit ambo.

JO. CAMPBELL.

IV.

Dic, age, Musa mihi, quî tellus sæpe dehiscat:
 Ingenti mota ; trepidant quando omnia circum,
 Concussæque cadunt urbes, montesque solati
 Naturæ vinculis nutant, et culmina celsa
 Ad terram inclinant, imis penitusque cavernis
 Dant sonitus ; strepitu rauco fragor æthera complet:
 Num furit occultus ruptus Vulcanus habenis ?
 Aut cùm (namque canunt vates) sua commovet ingens
 Pondera vasta gigas, (olim quem Jupiter altus,
 Caelos tentantem, fertur trussisse sub Ætæam,)
 Nati mole sui tellus turbata tremiscit ?
 Aut——temuis sed ego cur audax grandia tento,
 Hactenus ingeniis nunquam comperta sophorum ?
 Etsi causa latet, tamen O, quàm dira sequuntur !

Quà patet occiduo tellus ditissima soli,
 Divitiis, gemmis, pretioso insignis et auro :
 Floruit urbs quondam, sed nunc jacet obruta, necesse
 Nunc tantùm remanent, fati monumenta, ruinæ.

Namque dies aderat, cùm omnes ad limina sacra
 Convenere Dei cœtu juvenesque senesque,
 Uxoresque suos natos, natasque ferentes

Secum, et rugosæ vetulæ innuptæque puellæ.
 Sanctus et intrârat DOMINI jam templâ sacerdos,
 Ac duplices tendens supplex ad sidera palmas,
 Æternum cæli Rectorem in vota vocabat:
 "Conticuere omnes, intentique ora tenebant."
 Tum vehemens subito confususque undique stridor
 Auditur; reboant commota tonitrua cælo,
 Rupto missa polo rutilas per nubila flammâs
 Fulgura dispergunt, resplendet et igneus æther.
 Percita et insolito motu conterrita tellus
 Intremittit; et quamvis validis sustenta columnis,
 Jam tecta incipiunt templi titubare: Pavore
 Perculsi surgunt cuncti, quæruntque salutem
 Effugio: et certè pars quædam erepta periculo,
 Adjutante Deo, ad campos nunc tendit apertos:

At ruit interea devexo pondere præceps
 Plures involvens templum, graviterque procumbit
 Motantem in terram. Reliqui sed lumina vertunt
 Ad sedes notas, moesti, bene notaque tecta.
 Jam tantùm aspiciunt quassas dirasque ruinas:
 Quà stetit urbs dives, domibus decorata superbis,
 Hic lapidum jacet avulsorum diruta moles,
 Illic fatali vi fracta columna labascit.

Nec minùs, ad comites flectentes ora, queruntur;
 Uxor nequicquam fidum carumque maritum

Poscit, et uxorem vir tristis plorat amatam :
 Pignora cara pater multùm frustraue laborans
 Quærit, et absumptos soboles orbata parentes.

Cùmque hæc tam sævos luctus secum aspera clades
 Afferat, O Britones, memori persolvite grates
 Corde Deo, patriam vobis qui præbuit, omni
 Ab talis casûs longè terrore remotam.

D. K. SANDFORD.

V.

Nunc Pater Omnipotens trepidantis viscera terræ
 Terribili dextrâ concutit atque polos.
 Haud aliter montes saliunt cum murmure rauco,
 Quam ratis in scopulos fluctibus icta ruit.
 Florentes nutant urbes, opibusque potentes,
 Pars æquata solo, pars resupina jacet.
 Continuò miseri pallent formidine cives,
 Magnanimusque heros, sponsaque cara pavet.
 Desertis natis, fugiunt, instante timore,
 Frustrâ clamantes, O miserere, Deus !
 Nam vix transgressi portas, vix tecta domorum,
 Cum sorbet tellus gurgite, et omne silet.
 Sed quoque terrificum surgentibus æquora motum
 Fluctibus accipiunt, tectaque pulchra tegunt.

Cur ego commemorem ut fluvii reffluentibus undis
 Errent, et fugiat fontibus unda suis ;
 Ut volucres pavidæ ostendant instantia fata,
 Protinus ex oris incolumesque volent ?
 Hæc mala tu quondam sensisti, Olysippo, simulque
 Numinis alta cadunt oppida quassa manu.
 Haud pridem monstravit justa doloris et iræ
 Indicia, et populi crimina magna luunt.
 Nunc igitur meritas persolve, Britannia, grates
 Illi qui torquet numine cuncta suo,
 Qui, procul a motu, felici sede locavit,
 Fundere nec cessat munera larga tibi.

T. M'CRIE.

VI.

Nunc mihi fert animus naturæ accedere partes
 Arcanas ; tenuis primùm sublimia conor,
 Ad cælum trepidâ vectus velociter alâ,
 Te, Terræ Motus, dum audaci carmine dico.

Musæ paulisper dulces, Helicone relicto,
 Præsentes operæ, in pectus descendite lætæ,
 Atque meum ad finem gratum deducite carmen.

Monstrum informe, ingens ! quâ possum dicere causâ
 Nasci ? curve novis tremuerunt motibus alti
 Montes, atque imis terræ fremuère cavernis ?

Ut ~~fama~~ est, cælo in celso Titania proles
 Tentavit manibus monti conjungere montem;
 Adversusque Jovem bellum divosque potentes
 Impia conflavit; cæcos dominator Olympi
 Præcipites cælo torât, vastisque ruinis
 Obruit amentes, qui in Divos arma tulissent,
 Matre sub ingenti trudens immania monstra:
 Hinc ubi, defessi telluris pondere vasto,
 Dant gemitum ingentem, et tardi sua corpora vertunt;
 Tunc tellus horret, longè pelagusque recedit
 A terrâ, fundi penetralia nuda relinquens.
 Tunc iterum fervens, insano et vertice cuncta
 Contorquens, repetit ripas, littusque sonorum
 Sub pedibus trepidat, violentis ictibus undæ.
 Nutârunt montes, altæ, velutique paventes,
 Sylvæ motantur; cœpit tunc aridus altis
 Montibus audiri fragor, atque sonore tremiscunt
 Colliculi. Reserans tellus ingentia tandem,
 Ostia tunc subitò tremit, et penetralia nudat.

Quam vasto magnas urbes absorbet hiatu,
 Abdit et immensis antris, Hispanica tellus
 Exemplum præbet lugens, urbs maxima cujus
 Est æquata solo, magnove vorata barathro.
 Redde Deo grates memori tu corde, Britanne,
 Avertit nobis qui tot discrimina rerum.

E. PINKERTON.

VII.

QUANAM de causâ nunc iras fervere dicam
 Divorum, campis quæ tristia damna tulêre,
 Florentesque urbes subitâ absorpsêre ruinâ ?

Musa mihi causas memora, cur terra tremiscit
 Ingenti motu perterrita, celsaque Pindi
 Cur tremefacta imis penitus fremuêre cavernis:
 Aut cur abruptis fervent turbata procellis
 Æquora, dum venti ponuntur, ad astraque volvunt
 Immanes fluctus. Num alti tetrique gigantes,
 Monti suppositi, quos partu terra nefando
 Edidit, ex antro dum tentant surgere tristi,
 Connixi motus tales fecêre sub Ætnâ ?
 An de celato sub terris igne perenni,
 Qui nimium inclusus, diffisso erumpit hiatu ?

Hei mihi ! quàm miseret crudelia fata referre
 Horum, qui ardenti nimium sub sole jacentes
 Perpetuò metuunt motum telluris hiantis.
 His res securæ desunt, et patria cara,
 Semper pro natis metuunt et conjuge amatâ,
 Ne secum subitò tellus in viscera condât.
 Aëra jam videor nigrantem nube videre,

Latè et splendescit damnosis ignibus altus
 Æther, jamque undis sævis maria alta tumescunt,
 Diro cum subitò cælum sonat omne fragore ;
 " Præsentemque viris intentant omnia mortem."
 Campus hiat, cunctis præcordia percutit horror,
 Sponsarum exoritur gemitus, clamorque virorum,
 Hic pater imbelles natos sponsamque requirit,
 Plorant hic parvi nati matremque patremque :
 —At citò cuncta silent, absorpsit jam omnia tellus.

A. CONNELL.

V.

QUID faciat terræ motus haud convenit : hac re
 Non eadem cunctis placuit sententia doctis.
 Antiqui motus effectos esse putabant
 Speluncis terræ celato ex aëre multo,
 Qui valde penetralibus ignibus extennatur,
 Nullo habituque invento cuncta repagula rumpit.

Præcedunt motus tranquilla silentia terræ ;
 Mox tumidum surgit, fundoque evertitur æquor ;
 Miscentur fontes, luteum ejiciuntque liquorem ;
 Veloces et avis perterrita concutit alas,
 Instantis tanquam funestæ conscia cladis.
 Cum strepitu accedit motus, ceu rauca rotarum
 Murmura vel tonitru ; tellusque subinde levatur,

Seu sursum versus, seu ultroque citroque movetur,
 Horæ momentum motus vix permanet unus.
 Motibus interdum illis efficiuntur hiatus,
 Qui flammæ emittunt alta ad nubila claras ;
 Sæpiùs et tellus hiscit, rursusque cohæret,
 Ore alios avido excipiens, aliosque coercens
 Per medium captos : ædes statione moventur.

Exitio olim strata est Lusitania diro ;
 Nam terræ motus fundo dejecit ab imo
 Urbem præcipuam ; miseri periëre coloni.
 Tale malum Limæ funestum contigit urbi ;
 Interiëre omnes ; homine uno sospite tantum.
 Is fuit in castro, quod portum aspexit ab alto :
 Ex domibus vidit magno terrore ruentes
 Cives ; et mare decedens remeabat in undâ
 Immensâ, subitò gremio quæ condidit urbem.
 Ast eadem lintrem admovit quæ diruit urbem
 Unda ; in quem se conjecit, tutusque refugit.

PETRUS DOUGLAS, *Ætat.* 14.

LAUDES CALEDONIÆ.

Ostendamus quos sibi Caledonia viros seposuerit.

TAC. VIT. AGR. C. 31.

I.

SCOTIA, natalis, felix, interrita tellus !
 Mi liceat, quamvis indigno carmine, laudes
 Condecorare tuas, non nullo vate diserto
 Ante celebratas, quorum sublimia corda
 Non datur ingenio assectari posse minori.
 Sed tamen insignes poscit cum patria vires,
 Vos, O Pierides, precor, adspirate canenti ;
 Nec mihi sit vanus vobis labor acer iniquis.

Itala bis tellus flavescit messe quotannis,
 Bis gravidæ pecudes, curvant bis pondere ramos
 Poma, bis et radiis maturis cocta leguntur :
 Vitibus est melior, Baccho gratissima tellus,
 Gallia ; et Hispani canentia vellera mittunt,
 Aureaque a viridi semper lecta arbore mala,
 Quam nivei flores decorant fructusque rubentes
 Unà, jucundis et odoribus aëra complent.
 Fert ebur albescens, ebum fert India nigrum,
 Pingua thura ferunt felicia rura Sabæum,
 Unde per immensam funduntur munera terram.

Sed neque quos Rhodanus velox, aut lentior ambit
 Quos Araris campos pingues, undæque Garumnæ,
 Fertilis et Latii messes, et Iberica lana
 Laude Caledoniæ certent, neque Gange rigata
 India, nec nardi Panchâia dives aristis.
 Nam Dea Libertas posuit certissima regna,
 Largâ diffundens pretiosa, hîc, munera dextrâ ;
 Nec comes hujus abest cum pleno Copia cornu.
 Hinc tuus omnis honos, hinc omnia, Scotia felix,
 Queis bona nunc frueris. Semper viridantia prata,
 Nec nimis est gelidum, nimum nec sole propinquo
 Intolerabilius cælum, sed utrinque reductum.
 Nunquam deficiunt rapido labentia cursu
 Flumina, quæ riguis inducunt gramina campis,
 Murmure jucundo per leves acta lapillos.
 Montibus innumeræ pecudes pascuntur opacis,
 Permultisque boum resonant mugitibus agri.

Si non dumosas decorant myrteta latebras,
 Collibus apricis neque crescit dulcibus uvis
 Vineæ, sub pedibus refluunt neque pingua musta ;
 At secunda quies, et vallibus otia tutis,
 Et patiens operum, contentus et incola sorte,
 Quem magis ob montes delectat patria tellus,
 Et magis ob frigus, quod velat culmina, cælum.
 At rabiidæ tigres absunt, sævique leones,

Nèc trahit immensos per humum orbes horridus anguis,
 Ore nec infesto fatalia vulnera figit.
 Montibus at surgit procero vertice pinus,
 Quercus et infixis altè radicibus hærens,
 Robore ab hostili quæ patria littora servant.
 Oppida consurgunt atque urbes undique claræ,
 Mercibus externis, operis, atque arte celebres ;
 Gaudia quà spargunt et opes, commercia, gratas.
 Implentur malis portus, ubi silva videtur
 Horrida laxato velorum pondere pressa ;
 Turba autem strepitusque virûm, festivaque nautæ
 Murmura ubique sonant, cùm jam terrasque relinquit,
 Explicat et ventis fluitantia vela secundis.

Æquora quid memorem quæ complectuntur u-
 trinque ?

Quidve lacus tantos ? te, magne Lomonde, marinis
 Fluctibus adsurgens cælo ; et te, Nessia dives,
 Navali resonans strepitu, jamque utilis arti ?
 Quid memorem montes, hæc propugnacula terræ,
 Quæ, data naturâ, nunquam victricia Romæ,
 Orbem cum reliquum potuissent vincere totum,
 Arma penetrabant. Hinc bello vivida virtus,
 Et patrios imitans mores generosa juvenus
 Increvit, duros animos assueta labori,
 Nil vitam pendens, fugiens discrimina nulla,
 Æquore seu poscat, seu terrâ patria vires.

Nec minus effulget seniorum gloria patrum,
 Quorum tutatur sacras sapientia leges
 Regnaque, procumbant ne vi subversa nefandâ.
 Hinc cùm tota jacet fumans Europa ruinis,
 Sanguineis passim rivis cùm terra madescit,
 Agricolæque inopes infesta ad bella trahuntur,
 Quos miseranda uxor, tectis depulsa domorum,
 Cum pueris parvis nequicquam luget ademptos,
 —Talibus una caret lacrimis hæc terra beata.

Hæc loca et antiquum genuere, et multa recentum
 Fortia corda virum, quorum sua semper honores
 (In freta dum fluvii current, dum saxa repellent
 Oceani fluctus illisos littore curvo)
 Scotia quæsitos, memori sub mente tenebit.
 Ecquis, Scotorum, nescit te, prime virorum,
 Galgace, qui adverso quamvis obsistere fato
 Non poteras, animus tamen et tua mascula virtus
 Venturi patriæ posuit fundamen honoris.
 Hunc imitans, hominum post secula multa caducum,
 Patria cum gemeret duri sub lege tyranni,
 Est ortus *, juga qui vindex exosus acerba,
 Civibus oppressis retulit sua propria jura,
 Injustis et rapta dolis sibi regna paterna.
 Nec comitem magnum † vocalis Musa silebit,

* Robertus de Bruce.

† Wallace.

Semper honoratum, semper laudabile nomen.
 Montibus in lætis tu fortia ad arma reclamans,
 Servitio turpi sopitos, prime, citâsti
 Cives, suâserunt primùm tua classica pugnâs.
 Invidus at meriti vesanus livor honoris,
 Egrediâ lauros detraxit fronte decoras,
 Tradidit et turpi, meliori funere dignum.

Semper erunt testes virtutis et ipsa Corunnæ
 Moenia ; dum stabunt, nomen famamque fovebunt
 Cujus habent cinerem, dextrâ servata potenti.

Nunquam erit herois dives Nilotica tellus
 Immemor Ægyptos, pro libertate cadentis,—
 Summa sed illius victoria fata beavit.

Fertilis hæc eadem ingeniis doctisque poetis.
 Est huic, naturæ tempestatumque peritus,
 Frigora qui * brumæ, rabiemque æstusque leonis,
 Et flavum autumnum, et placidè ridentia veris
 Tempora, divino depicta in carmine liquit.
 Est, qui † sublimes animos erexit aratro,
 Hausit et impavidus Thebani munera fontis,
 Dum lætæ Aonides natum salvere juberent,
 Tempora cingentes insignia fronde perenni.

* Thomson.

† Burns.

Est, qui * commemorans ætatis gesta peractæ
 Priscorumque patrum mores, et tempora prisca,
 Obtinuit nomen victurum in secula sera.
 Carmine nec nostro meritâ tu † laude carebis,
 Qui Spem mærentis cecinisti mentis alumnam,
 Undas sublimi, nunc, majestate per alta
 Saxa ruens rapidas, montano vortice torrens,
 Omnibus attonitis, querulus, nunc, murmure rivus
 Lene susurranti per mollia prata relabens.
 O si pars animi mihi, sicut nominis, esset,
 Scribere digna cedro sperarem carmina posse !

Ante oculos igitur hæc exemplaria ponens,
 Quid decet ut faciam, tantis majoribus ortus?
 Si mihi non datur illorum contingere famam,
 Conspicuumque locum præclaros inter habere :
 Efficiam quod potero ad fas et jura tuendum
 Inviolata patrum, tellurem opibusque juvandum
 Natalem nostris, si forte sit indiga nostri.
 Servitium quodam si casu, tempore duro,
 Immineat, minitans juga sæva et vincla nefanda,
 Non metuam mortem, non ulla pericla recusem,
 Ignavus, timidus, turpis, malus, immemor horum
 Pugnantes patriâ quos non cecidissee pigebat

* Scott.

† Campbell.

Omnibus in seclis, heroum mascula corda !
 Sed patriæ pietas animet, sed dulcis amoenæ
 Libertatis amor ; subeamque aut nobile lethum,
 Nobilis aut vivam, legum tutela sacrarum,
 Nec mihi dedecori vertatur nomen avitum.

JO. CAMPBELL.

II.

VATIBUS Ausoniis Danaisque valête faventes
 Musæ olim, myrtus laudetis olentibus umbris,
 Et viridi coctos pendentes colle racemos ;
 Regna Caledoniæ dulcissima dicere cantu
 Nescitis : Quis enim versu cantare decenti
 Purpureos colles, et prata virentia, purus
 Rivus ubi placidè flavi subrepat in umbrâ
 Sparti, aut jactat aquas alto de vertice saxi,
 Quamvis nota, queat ? renuunt ignota Camenæ.

Musa mihi Patriæ chordas impelle timenti,
 Dona tuæ recino telluris, ubi atra venena
 Non unquam dedit ore draco, nec naribus ignem
 Evomuit ; nunquam catulis orbata læna
 Clamore implevit campos, non incola lætus
 Aut timuit tigrides, dentesve Libystidis ursæ.
 At vaccæ, lentique boves de gramine læto

Defessis pedibus redeunt, mugitibus auras
 Implentes, plorat matrem tener agnus ademptam.
 Durior hic nullus sonitus diverberat aurem,
 Nî quando festum rediens advexerit annus
 Natalemve diem regis, lætæ triumphî
 Magnanimi ducis. In campis, tum, et montibus altis
 Tormenti matrem terram radicibus imis
 Concutiens fragor auditur, reboante tonitru ;
 Qui revocat memori famamque et nomina menti,
 Et simul acta virûm. Forsan, fortissime, dicit
 Virtutemque tuam *, cum audaciùs obvius hosti
 Ibas quam Spartanus homo, mentemque celebrat
 Pro patriâ moriens ubi læto lumine palmas
 Ornâsti : Aut illum recinet qui, ubi vincla tyranni
 Non benè sueta iugo stringebant colla virorum,
 Surrexit, sævis pugnavit, vicit et hostes,
 Et dedit ejecto regi regnumque parentis,
 Et Libertatem populo. Quanquam occidit ille
 Insidiis, nomen per secula cuncta manebit.

Intonsæ frontis montes saxosæque tesqua
 Effingunt vires herois, flumina, sylvæ,
 Collesque incutiunt patriæ telluris amorem.
 Vallibus in gelidis undas sua flumina volvunt,
 Silvisque umbrantur quercûs, florentis ericæ

* Moore.

**Saltibus intecti colles, saxosaque circum
Littora nunc Zephyri ludunt, nunc fronte superbâ
Fluctus surgentes Dominam testantur aquarum.**

**Non Itali, Persæ cultores orbis Eoi,
Non Nilus quondam dives, septemfluus amnis,
Nec res Attalicæ, aut Afri sitientis arenæ,
Nec Tagus auriferis ripis, nec Gallia certent
Laude Caledoniæ. Felix O sorte, colone,
Illis cui cecidit sub montibus! ante coruscum
Titanem exurgis, lætoque labore peracto,
Ad casam ubi conjux, et ubi sunt pignora cara,
Non animo lasso, tua membra labantia flectis.
Dumque parat cœnam uxor, circum oscula nati
Pendent, participes risûs in fronte, beato
Te gaudent, miserum te lacryma plorat acerba.**

**Dic mihi, quî pueris pietas tanta, unde petita
Hæc mens digna viro, dum nescia permanet ætas?
Libertas reserat cordis penetralia! sentit
Lætitiâ subito, sentit citiùsque dolorem
Conscia mens recti, retinent ubi vincula nulla.**

**O Dea Libertas, cordi dulcissima rerum;
Quid tibi commaculet vestem vultumque decorum!
Non vis naturæ faciet tua ferrea sceptrâ.**

Tecum habitem, tecum paupertas aspera grata est :
 Nullius at sine te præcelsa palatia regis
 Divitiæque intacti Arabis, peregrinaque mundi
 Regna Novi possunt dare gaudia digna tenenti.
 Hæc tibi sit sedes, dilecta que patria semper,
 Omni posthabito populo ; felixque propago
 Grata tibi cumulet largis ætaria donis.

O mihi terra patrum ! cordi super omnia cara,
 Accipe nunc votum ; si dira pericula forsân
 Obveniant Libertati, seu legibus æquis,
 Sive sacris, et frangatur concordia terræ
 In quâ natus eram, quæ sustinet omnia cara ;
 Stat mihi dum potero, dum strenua fulciet ætas,
 Conservare æquas leges et candida sacra.
 Propugnent alii, ponant tentoria Martis,
 His non suetus eram ; tamen ignea ferre libenter
 Mens spernet leges libertatemque minutas.

Hoc votum Scoti semper de pectore fundant,
 Ales et æthereus librans se in vertice cæli
 Jussa Dei referat, SIT LIBERA SCOTIA FELIX,
 DUM MARE, DUM TELLUS, DUM SIDERA CELSA MANE-
 BUNT !

GUL. MENZIES,

III.

CONCELEBRENT aliæ gentes Panchæia rura,
 Arvaque Gangetis surgenti subdita Phœbo,
 Aut Tmolum viridem, croceos qui spirat odores,
 Et ditata Midæ Pactoli stagna rubentis
 Aurea, volventis rutilum cum fluctibus aurum :
 Aut Durii celebrent vernantes fertilis agros,
 Hispanosque viros, genus intractabile bello ;
 Regnaque Gallorum humectat quæ lympha Garumnæ :
 Cara Caledonio magis est sua terra paterna,
 Carior est collis rigidus, fluviisque sonorus,
 Omnibus his terris, ubi trux sine lege tyrannus
 Opprimit infaustos populos, ubi jussa magistri
 Festinat servus, nec quisquam ex agmine toto,
 Detrectare jugum, libertatemque colonis
 Reddere, et indignos reges depellere tentat.
 Quamvis non foribus surgant huic tecta superbis,
 Nec sese ærato stridentes cardine postes
 Vertant, nec luxu regali mensa gemiscens
 Accipiat vini semper convivia læta ;
 Quamvis miretur vestes non turba decoras,
 Nec servi immites crudelia jussa facessunt ;
 At non consumit mordax præcordia livor,
 Non agitat pectus auri insatiata cupido.

Vix Titan oriens e ponto assurgere cœpit,
 Cum placidum lectum linquens, atque aëra spirans
 Sanum, festino gressu terit arva beata.
 Cum sol.occiduus crescentes duplicat umbras,
 Ad tectum rediens limen procul aspicit alnum,
 Inque aditu natos carâ cum conjuge stantes :
 Longè dispiciunt patrem, vultuque triumphans,
 Quisque volat, properatque domum deducere fessum.
 Jamque redux tandem calidum subridet ad ignem,
 Conspicit et natos genibus se tollere lætos ;
 Dum mensâ conjux epulas ostentat onustâ,
 Sermone et vario tentat producere noctem.
 Sic vitam, curis expers, in montibus illis
 Transigit excelsis, ex omni parte beatus.
 Te, Dea Libertas, solam te gratus adorât ;
 Pro te vel rapidas audet maris ire per undas,
 Quamvis terra tremat vibrato fulmine quassa :
 Pro te vel cunctis caput objectare periclis
 Audet, et ingratos homini perferre labores.

Otia sic degit ; sed quum dat rauca cruentum
 Buccina militiæ signum, descendit ab alto
 Vertice castra petens, natis sponsâque relictis.
 Fortis et invictus statuit cohibere priorem
 Hostem, atque e campis iterum depellere tutis.
 Concurrunt acies, it clamor ad æthera magnus,
 Et fluvii currunt ad pontum sanguine rubri :

Gaudet equus pugnâ, campoque jacentia passim
 Corpora conculcat pedibus, volitatque per agros
 Sanguine respersus : terrâ nunc agmina tota
 Strata jacent, sterilique cruor profusus arenâ.
 Nunc hi nunc illi fugiunt, campoque repulsi
 Vincuntur foedè, aut redeunt in prœlia victi.
 Pro domino hi pugnant miseri sævoque tyranno.
 Non animat vires, dextræ non roborat ictum
 Conspectus civis, nec laudum immensa cupido.
 Illi pro patriâ certant domibusque paternis,
 Dulcibus et natis, et regno, et conjuge carâ ;
 Instimulat mentem ductor civesque videntes.

Nunc autem, cupidus præstantia nomina quondam
 Cantare, indomitos Heroas dicere versu
 Incipiam : solers, O Musa, faveto canenti.
 Aspice ! præcellens cunctos Vallatius heros
 Surgit, qui constans inter civilia bella
 Stabat, et invictus semper ; qui ductus amore
 Ingratæ patriæ, per tot certamina belli
 Impavidus vixit, nec segnis ab hoste recessit.
 Hostibus invisus cum diffugère timentes
 Cives, et patriam liquere et dulcia tecta ;
 Solus pro patriâ dubium certamen inivit,
 Solus victor erat, rediens ex agmine rubro.
 At tandem, heu facinus ! contemnens jura scelestus
 Hunc hominem magnum—sed cetera Musa recondat ;

Quam fuit indignum meritis tam fumus acerbum !
 Nunc jacet in longâ positus meritâque quiete :
 Ad tumulum mœsti lacrymis accedite, Scoti !
 Hunc sequitur Brucius magnus bellicque peritus,
 Hostem qui regno pepulit, pacemque benignam
 Restituit populo forti, rexitque beatus.
 Cur alios memorem magnos ? qui finibus illis
 Præstabant populum immunem, firmique manebant
 Temporibus dubiis ; ceu cum pendente saxa
 Fluctibus urgentur, volitantque per æthera spumæ,
 Ipsa immota manent, rabido pontoque resistunt ;
 Pro te pugnabant fortes ita, Scotica tellus,
 Pro te tot casus et tot discrimina rerum
 Sustinuere boni, sibi præmia nulla petentes.

Quamvis sunt duri montes, præruptaque saxa,
 Quamvis non ridens dulci latet uva sub umbrâ,
 Nec tua sollicito dant arva libentia fructus
 Agricolæ, facies nec cæli est semper amica ;
 Carior es animo quàm fulvî vasta metalli
 Copia, quàm regnum florens, regumque triumphî,
 Aut gravidæ pecudes per dulcia prata vagantes.
 Estne homo qui patriam temnit, dissuasor honesti,
 Qui non defendens servabit sanguine fuso.
 Intrepidus, risu permulcens frigora mortis ?
 Huic homini quamvis spatiosa palatia surgant,

Immensumque solum centeno vertat aratro,
 Atque illi indigno populus committat honores :
 Attamen haud ulli celebretur in æva futura ;
 Nec cum procumbet languens, vitæque recedens,
 Ulla manus blandè morientia lumina condat.
 Salve, terra patrum, salve, dulcissima tellus !
 Te quanquam positus nimiùm sub sole propinquo,
 Aut quà mortales penetrabile frigus adurit,
 Te patriam dulcem, te gratus semper amabo.

E. PINKERTON.

IV.

SALVE, magna Parens ; salve, felicibus oris
 Diva Caledoniæ semper fidissima custos !
 Laudes ecce tuas meliori carmine dignas
 Hinc canere incipiam, et tenui deducere plectro.
 Rejice nec, Mater, nati tentamen ineptum,
 Pectore dum grato mea patria rura celebros.

O natale solum, mihi te non dulcior ulla
 Terra patet Phœbo ; neque tellus thuris abundans,
 Eoæ sedes Arabum, Nabathæaque regna ;
 Gallia nec dives, frondosis vitibus alma,
 Ebria qua spumant calcatis prela racemis ;
 Nec fines Italûm illustres, Saturniaque arva,

Et quondam domitrix terrarum Roma superba.
 Ausoniam quamvis cecinit citharâque potenti,
 Aptavitque lyræ invidit queis doctus Apollo
 Carmina Virgilius, nulli, tu cara, poetæ,
 Scotia, concedens, justum retinebis honorem.

Non sanè hic rerum genitrix Natura profundit
 Fecundante sinu, tot mollia gaudia, vitæ
 Delicias, agris quot cælum mitius affert.
 Nam pro mulcentis Zephyri genialibus auris,
 Sæpius immitis flatu bacchatur iniquo
 Aut Notus, aut Boreas, aut stridens Euris ab ortu.
 Hic nemorosa juga, et scopuloso vertice montes
 Continuo juncti surgunt ad sidera nexu.
 Sed tamen invenias viridantes gramine valles,
 Quà pulchras urbes jucundâ interluit undâ,
 Obliquum currens sinuoso tramite, flumen :
 Vestitique suis florentes messibus agri
 Sparsim, suppeditant Cerealia munera largè :
 Et quæ Diva negat Naturæ, repperit audax
 Mercator, dubii subiens discrimina ponti,
 Omnia et intrepidus pro quæstu littora visens.
 Atque etiam si illi, queis vitæ causa voluptas,
 Forsitan hic luxûs frustrâ conjuncta requirant
 Gaudia perniciæ, tamen omnia munera abundant
 Exoptanda bonis, naturæque unica dona
 Quæ fato major sibi virtus inclyta poscit.

Scilicet hinc usam gnavus patiensque laboris
 Agricola acquirit. Stimulat mortalia corda,
 Ipsis docta malis, varias conducit ad artes,
 Et callem veri divina Scientia monstrat.

At quum luxuria incubuit, mentique virili
 Insidias struxit blandas, et inertia vicit.
 Tum quoque deficiunt vires, et protinus illi,
 Quos trahit, effrenes, cæcis erroribus acti,
 In scelus omne ruunt invisum dîsque virisque.
 Haud aliter stulti comites sapientis Ulyssei,
 Potavère magæ malè sani pocula dira,
 Mentibus amissis quos turpe suile recepit.

Sic cecidit nutrix heroum Gallia quondam,
 Virtutis sedes, doctrinæ clara magistra ;
 Nobilis arte olim, studio, cultuque Sororum.

At contrà nimio tu Scotia libera luxu
 Et famâ frueris nunc clarâ, semperque frueris.
 Nam tibi sunt fortes nati, assuetique labori,
 Quos animat patriæ pietas, caræque perennis
 Libertatis amor, laudisque immensa cupido.
 Quos nec militiæ metuenda pericula duræ,
 Nec mors vulneribus terret properata decoris.

Ille audax, testis, non unquam territus Heros,

Temporis antiqui, exenit qui compede dura
 Servitii, impatiens domini, natalia rura.
 Et quum nec numeris, nec vi superante tyranni,
 Perfidia foeda crudeli est proditus hosti,
 Non animam patriae renegavit eedere carae,
 Omnia et obtinuit mansurum nomen in aeva.

Atque etiam, quamvis "retro sublapsa referri
 Et ruere in pejus" naturâ multa videntur,
 Intemerata patrum descendit gloria vivax;
 Magnanimûm genitrix heroum Scotia mansit.

Illius natum conspexit Iberia nuper,
 Gallos extremâ victorem fundere vitâ.
 Haud indignum ipsis jactat sociâsse triumphis
 Nelsoni comitem *; ad ripas, septemflue, pingues,
 Nile tuas, veniens cui mors redimta virenti
 Fronde, dedit palmâ victrici insignia fata.
 Te peregrina tegit distanti littore tellus,
 Magne senex! refovet gremio nec terra paterna;
 Nomini at in patriâ restabit fama superstes,
 Et fato ereptus plorantûm in pectore vives.

Quum produxit adhuc heroas inclyta tantos
 Vestra Caledonia, exemplo vos discite Scoti!

* Abercromby.

In vobis videat renovatas patria prisci
 Virtutes ævi, nec jam desideret illas
 Cum claris pariter raptas majoribus ; ætas
 Floreat hæc præsens, imitans quoque gesta prioris.
 Vos, quibus est annûm meliorum læta juvenus,
 Est quibus in bello splendentis nominis ardor,
 Hostes externos arvis propellite tutis.

Sed quibus est potius tranquillam ducere vitam,
 Et procul à castris armis rabidisque remotam ;
 Vobis, et patrum leges servare vetustas
 Cura sit, et populi carissima jura tueri,
 Sincerumque Dei cultum, longeque relictas
 Temnere delicias, turpis mala gaudia mentis.
 Hæ tibi erunt artes ; sic, Scotia, gloria patrum,
 Qualis ab incepto processerit, usque manebit,
 Natorum vitiis nunquam maculata pudendis.

D. K. SANDFORD.

LYRICA QUÆDAM

ET

BREVIORA.

MILITIÆ LABOR.

REG Saturno patre, quisque vixit
Sorte contentus, sine legis usu,
Et fidem et rectum populi colebant
Judice nullo.

Torserat nondum catapulta tela,
Nec fuit cassis, clypeusve fulgens,
Nec ferus duro faber arte sævum
Duxerat ensem.

Nunc at inamitis ciet atra bella
Orbe Mars toto, resonantque passim,
Ferreo regno Jovis, execrata
Matribus arma.

Mille circumdant hominem pericla,
 Quem juvat cornu lituique clangor,
 Atque flagranti medios per hostes
 Rumpere pugna.

JO. CAMPBELL.



KALENDÆ JANUARIE.

SIGNA sol fulgens iterum peregit,
 Atque adest læto novus annus orbi,
 Jamque cum festis veniunt diebus
 Annua sacra.

Gaudio implentur strepituque cuncta,
 Et joco blando ; resonatque passim
 Tibiæ dulcis, citharæque lætum
 Murmur amœnæ.

Pars vagis ducunt pedibus choreas,
 Carmina et festo modulantur ore ;
 Pars dapes curant, cumulantque multo
 Pocula Baccho.

Sic solent mortem brevis hujus anni,
 Illius partum celebrare mult :
 Mente qui versat, meliore sese
 Occupat arte.

Fert ad annum lapsum oculos dolentes,
 Perditas horas sibi sæpe lugens,
 Morteque in mentem revocans ademptos
 Tristis amicos.

Lætior spectat venientem at ore,
 Mente contristans onus amovetur ;
 Namque stat rectam scelerisque puram
 Ducere vitam.

JO. CAMPBELL.

ATHENÆ.

I.

ASCENDO rupem plurima quæ imminet
 Urbi ; et potentis mœnia Palladis
 Perlustro ; me circum caduca
 Templa deûm speciosa nutant.

Hæc sunt Hymetti purpurei juga ;
 Ægina, contrà, natio bellica ;
 Tellusque, quâ pugna redivit
 Frons Danaûm redimita lauro :

Subterque, quondam templa celebria :
 At nunc virescens saxa coinquinat
 Muscus ; ruinosum manetque
 Ignibus et sine cæde fanum.

Hæc urbs Athenæ, Persica millia,
 Obnixa, quæ olim viribus obruit,
 Ostendit et quî solveretur
 Græcia servitio prementi !

Nunc, quando vinclis ambitio premit,
 Mutata quantum est !—Unda vel annium
 Ripas refugit assuetas,
 Servitium ob pudibunda gentis.

JAC. ROSE.

II.

QUI vos, Athenæ, dic mihi, carmine
 Dignè celebrem, queis Aganippides
 Virgoque bellatrix Minerva
 Præsidet. Acropoli supernâ

Astans, Hymetti celsa cacumina
 Aspecto, carpit quàm ingeniosa apis
 Florès olentes.—Verto ocellos,
 Aspicioque solum, ferox quàm

Cognovit hostis Persicus irritas
 Instare classes, mens nisi provida
 Intersit. Intùs quot superbæ
 Magnificæque domus videntur !

Quot signa famæ lucida sunt tuæ !
 At grata menti quam citò somnia
 Evanuerunt, quamque parvo
 Tempore sacra manet figura !

Jam nunc relinquens alta sedilia
 Atque arva visens, cuncta labantia
 Aspecto passim, et vix opinor
 Me tenuisse solum sacratum.

Undas ad æquor flumina vix ferunt,
 Lymphis lutosus obstat arena nunc ;
 Nulli colono jam subactis
 Carduus horret agris acutus.

A. CONNELL.

III.

URBE^M quis nescit præclaram nomine Athenas,
 Splendoris veteris quæ monumenta tulit ?
 Arx erat Acropolis. Viridem quæ spectat Hymettum,
 Scyllei scopulos et Salaminis agros.
 Attica cùm statuīs tam templis marmoris albi
 Nobilis, insignes arte fuere viri.
 Cum populus fuit incorruptus crimine pravo,
 Musarum nutrix laude decora fuit.
 Sed quam mutati mores, quam tabida terra !
 Tam triste exitium pingere Musa vetat.

JACOBUS WATSON, *Ætat.* 13.

 ROSA.

I.

LAURUM virentem laudibus efferant,
 Pars lilium album, pars violas ament,
 Arridet at cordi poetæ,
 Flos Veneri sacer et rubescens.

Princeps honorum tu, Rosa, fertilis
 Horti, salubrem projicis halitum ;
 Et frondibus spinisque tecta,
 Germinibus radias decoris.

Ver quando lætum **Lucifer aureus**
 Orbi reduxit, **purpureis comis**
Amicta, florescis, recludens
Gaudia. Sed simul ac Apollo

Descendit undis, tum tua deficit
Dulcis venustas. Quàm similis, labans
Infausta, mortali caduco,
Qui fragilis perit usque ab ortu !

T. M'CRIE,

II.

PRIMO benignum cùm nive candidâ
 Ver arva solvit, frondibus et novis
 Vestitur arbos, et Favonî
 Mitior aura venit sereni ;

Fecunda rumpis tu, **Rosa, germina,**
 Implens **Sabæis** æra odoribus ;
 Et caulibus, **regina florum,**
 Conspicienda sedes **superbis.**

Aurora ponto surgit ut **humida,**
 Fundens odores, flore novo **viges ;**
 At sole procumbis **cadente,**
 Spinaque sola manet **relicta.**

Fuco refulgens gloria disperit
 Mendace, splendor, sic, et honos perit ;
 Sic nominis fulgor caduci,
 Condita mole domusque vastâ.

Et sæpe, formâ non patefactâ adhuc,
 Marces acerbâ lecta manu, rosa :
 Est tale letho fatum ademptæ
 Præcipiti ante diem juventæ.

Sed quanquam honores gloriaque interit,
 Immota virtus, fine carens, manet ;
 Brumæque consistit procellis,
 Fata piique levat suprema.

JO. CAMPBELL.

TERRÆ MOTUS.

I.

MANU Gigantis pulsa, tremiscere
 Cœpère tellus et juga montium,
 Cælumque denseri, et procellam
 Axis aquæ minitantur atram.

Pontus recessit longè, trementibus
 Nautis, in unum seque recolligit ;
 Tandemque descendit per actam,
 Monte maris meditante mortem :

Portusque textit ; mœnia vertice
 Scandit, replentur fluctibus omnia ;
 Et cuncta verrêrunt ab arvis
 Flumina aquæ rapidè ruentis.

Absorpta sævo est gurgite civitas ;
 Gaudent profundi Numina : At unicum,
 Qui restat infelix, Phaselus
 Excidio capit alma tanto.

GUL. MENZIES.

II.

SACRATA Patri nunc aderat dies
 Æterno, et omnes limina Numinis
 Augusta, conventu petebant :
 Spes patriæ juvenes, senesque

Ætate fracti, pignora caraque
 Matres ferentes : Ac penetralia
 Jam sanctus intrârat sacerdos,
 Inque preces Dominum vocabat :

Auditor ingens undique stridor, et
 Turbata tellus intremat ; arduis
 Sustenta delubri columnis
 Incipiunt titubare tecta.

Tunc quisque surgit, pectora palpitant
 Horrore tristi ; dumque ruit domus,
 Erepta præsentis periculo
 Pars fugit ; obruitur ruinis

Pars major ; et certè illa beatior !
 Nam quæ supersunt reliquiae manent
 Plorare dilectos amicos,
 Quos rapuere inopina fata.

D. K. SANDFORD.

III.

“ **F**IDENS juvenis horrida brachiis,”
 Tentavit audax jungere dexterâ
 Immane certamen nefandâ,
 Cum domino reliquisque divis.

Vindex at altis dejicit impios
 Regnis, et ultor terrigenam manum
 Oppressit, immensæ parentis
 Pondere terribili gementem.

Hinc cum revolvit pondere corpora
 Defessa terræ, tunc trepidat solum,
 Auditur explosum tonitru,
 Æthere cæruleo remissum.

Montes tremiscunt, sylvaque concutit
 Frondes opacas, vaticinans malum,
 Pontusque ventosus recedit
 Littora cum sonitu relinquens.

Et terra fauces tunc aperit feras,
 Monstrans abyssum terrificam viris,
 Gentesque clamantes hiatu
 Haud miserans penitus recondit.

E. PINKERTON.

SOL ORBE LUCIDO POST DIEM
 TURBIDAM OCCIDIT.

I.

TURBIDO cælo ruit, en ! procella
 Sæva, diffindit nebulas coruscum
 Fulmen, albescit tumidisque vento
 Fluctibus æquor.

Occulunt solis faciem tenebræ :
 At simul cælo fugiunt, relucet,
 Et caput tandem roseis serenum
 Condit in undis.

Sic, ubi vitæ hîc hiemale tempus
 Egero, soli similis cadenti
 Lucido, sidam Patris in fidele
 Pectus amati.

JO. NEWTON.

II.

ASPICE quâ cælo ex alto sævus ruit imber,
 Et fulmen rapidum findit utrumque polum.
 Fert validos secum tauros tenerasque capellas,
 Pastorem servant carmina neve bona.
 At cum præteriit, nec possit lædere quenquam,
 Fugerunt liquido nubila cuncta polo.
 Aspice quâ fulgens Phoebus nunc fundit amœnum
 Splendorem, et radiis ut micat omne dium.
 O animam reddam tranquillus, sic, et amatus !
 Cum vitam exegi, deficioque manu.
 Et similis soli cedenti nocte quietâ,
 In vitam, dabitur quæ sine fine, volem.

T. S. GOLDIE. *Ætat.* 14.

TEMPESTAS HIBERNA.

VENTI consurgunt; Eurus Zephyrusque Notusque,
 Nerëidumque parens æquora vasta ciet;
 Præcipitesque cadunt imbres ex æthere toto,
 Terraque Rhipæâ sub nive tecta latet.
 O si nunc aliquis per inhospita tesqua pererrat,
 Indigus et perfert fœda pericla viæ,
 Cum diro et longo venti certamine pugnent,
 Imbribus et crebris effluit omnis ager;
 Ad me tu venias qui ignota ad littora pergis,
 Invenies mecum præbita multa Deo.
 Namque ego non tantùm fruges consumere natus;
 Civibus at miseris pandere tecta juvat.

JACOBUS WELSH, *Ætat. 12.*

 Maledictio.

JAM nunc incipiunt arvis flavescere lætis
 Frumenta, et dulces parturit arbor opes:
 Tempus adest, Socii,—quos sætas sexta laborum
 Participes mecum lætitiæque videt,—
 Tempus adest propiùs, quo vos diversa tenebunt,
 Quo linquenda estis, pectora chara, mihi.
 Vos igitur primi, dulces, valeatis, amici,
 Non spectandi oculis forte, valete, meis!


Non tamen ex animo tollent oblivia nostro ;
 Olim pulsabunt nomina vestra sinum.
 Vosque valete, meam quæ primam aluère juventam
 Mœnia, nunc ætas quæ puerilis abît :
 Vos linquenda etiam ;—sed quamvis corpore distem,
 Et liquidi intersint cœrula vasta maris,
 Per varios casus, per cuncta pericula vitæ,
 Hunc memori semper mente tenebo locum,
 Quæ meus ingenuas animus primùm inibit artes,
 Excipiens veterum gaudia multa libris :
 Quæ primùm sese studiis intendit honestis
 Ætates quæ omnes, tempora cuncta, juvant ;
 Præcipuè decorant quæ res ornantque secundas,
 Auxilium adversis, perfugiumque ferunt.
 Tuque vale postremùm, animos qui rebus honestis
 Formâsti teneros, alter et ipse parens !
 Doctrinæque viâ fortes perstare citâsti,
 Sistere nec mediâ, deficiente pede ;
 Temporis, intenti studii, assiduique laboris
 Prodigus, hand ullâ victus inerte morâ !
 Quod me juvisti, manet altâ mente repostum ;
 Semper ego nomen gratus amabo tuum.
 Si quid commerui, tibi me debere fatebor
 Quicquid adhuc laudis, quàm minimumque scio !
 Forsitan aut olim, quodam si digner honore,
 Certè oblita tui non erit illa dies !



JO. CAMPBELL.

ERRATA.

- Pag. 24. ver. 21. pro mœstas lege mœstos*
— 26. — 18. *pro* Queis detrectatis *lege* Quæ si tollantur,
— 56. — 3. *pro* damnantur *lege* dominantur
— 67. — 4. *ult. pro* mensura *lege* mansura
— 100. — 6. *pro* vicit. *lege* vicit,
— 108. — 3. *pro* Acropolis. Viridem l. Acropolis, viridem
— 115. — 7. *pro* pugnent *lege* pugnant



— — — — —

— — — — —

— — — — —

— — — — —





